



1 4  
1548  
6





皇朝通志卷之四十五 禮儀志 禮部 禮部 禮部

禮部

陳壽祺王星誠孫廷璋三子傳

吳縣潘侍郎祖蔭既刻越三子集其友李慈銘作三子傳

陳壽祺本名源字子穀一字珊士浙之山陰人祖掄英嘉慶庚午舉人官秀水訓導訓導生三子曰錫曰書烈曰文杰文杰早殤錫娶婦黃五月而卒無子書烈娶婦陶生君訓導命以後世父而書烈卒無子故君兼後小宗訓導故貧君早嘗所生母育于黃恭人幼善病黃恭人日夕紡績以營藥餌顧讀書敏甚訓導淡恣之攜以之官及訓導碎君所生父以毀亡時君年十四矣隨黃

恭人扶四畧還山陰無期功之親無田無宅賃大木橋  
旁陋巷三椽以居黃恭人并日而食爲鍼黹或數夕不  
寢得錢以給君入塾學爲文而君益銳進更五年補縣  
學生又二年舉于鄉又七年成咸豐六年進士改庶吉  
士又三年敝館改刑部主事同治元年粵賊據紹興君  
請急浮海至滬迎黃恭人及其帑入都旋充提牢廳主  
事兼辦秋審補奉天司主事擢 司員外郎隨尙書  
綿森公赴湖北勘獄京察一等未及引 見以丁卯夏  
四月猝于京邸年三十有九初訓導娶于李予高叔祖  
孝廉府君之孫也故予與君爲中表兄弟君之補諸生

也予祖父行皆喜曰訓導有後矣君天性伉爽無城府  
見人無親疏皆率胸臆與語人亦樂近之事親孝嘗自  
塾歸黃恭人持稻糗及肉食之君問曰母食乎曰食矣  
及夜黃恭人詣廚下暗中食君持火燭之則冷菜羹半  
甌淘麥屑也君持甌汰黃恭人亦汰及歲甲子二月黃  
恭人年七十君偁觴于京師予與平君步青謙君鉞往  
祝夜同宿君家君言之淚猶泫泫下也君文章警敏不  
由師授尤喜爲詩詞情藻豔發旣年少入翰林篇什流  
播人爭傳誦而竟不得畱館職旣改官勤習曹事援律  
比例鉤抉爬梳日步行入署治獄夜閱爰書輒至漏盡

嘗召試軍機章京列高等竟不用既迎家至京益困備  
衣垢面跋涉泥淖而吏事益精曹中疑獄悉委之又自  
授其三子經以其暇事吟詠治小學故甫三十髮盡白  
竟以積瘁死君娶于劉生子三長者娶婦有子矣君既  
卒數年而黃恭人猶在堂

王星誠本名于邁又名章字平子更字孟調亦山陰人  
父學厚道光甲午舉人慈湖書院山長君幼穎異目多  
白眉有奇采甫成童爲文卽刻意自異不蹈故常爲詩  
歌鏤心鉅腎見者歛手山長故予族父青田先生高第  
弟子也以文章名一時少許可謂多矣君嘗徧攜其文

以夸于客甫冠受知于知府徐君榮學使吳公鍾駿試  
皆第一補縣學生名大臬君早失恃比長而繼母又碎  
山長恐君試失時遂以君出後其從祖父君不敢違及  
爲弟子員釋菜于郡時宣宗崩已逾百日守令諸官  
皆吉服隸事君獨衣青衣徐君以其爲國卹也詰之  
君不對未幾而山長碎家素貧時山長三娶妻甫數月  
君姊妹未嫁者二人一弟眇而甚弱君已娶婦有子鬻  
鬻不能繼于是始客游初爲餘姚令宋賓王掌書記者  
數年繼客于蕭山予自丁未冬與君角執于塾務爭勝  
以能相高而相得甚君爲希有鳥賦以贈予賦大鵬行

以荅之泉同補弟子員益相親閒日輒過從以所業相質證或上下議論窮極幽眇盡晝夜不止意氣凌厲蔑視一世以爲兩人外無可與言者或出詣人必兩人俱抵掌高論歌嘯互作坐客輒縮胸避去時御史宗先生稷辰方里居勗四賢講社招致英俊予與君皆箸錄一日予與宗先生論學不合宗先生嗤點予文君聞之怒甚以告予予遂不復至宗先生門君亦不往宗先生婁好言相讖兩人始復偁弟子然終不以所作眎宗先生矣君旣客游閒數月必歸歸則必過予信宿或至十日始去而郵筒詩文往來曹江上者相望也及丙辰春君

始遠游由京師至河南依其叔父故副都御史履謙于河防副都以憂歸君遂歷客豫中諸牧令嘗寓書予曰自客大梁始知鄉里之多才而貧賤之可樂蓋數年中無旬日不夢至穢縵堂也穢縵堂者予讀書處也已未夏予入都君亦來應京兆試則已病脾泄精神積實予方被橫逆之禍大困相見惟咤際抑鬱無復向時意矣未幾同入試試畢君寓邑邸病益甚榜發中副車穢日遂卒年二十有九時君有戚誼數人發其匿得金數溢買棺以斂今猶肆城南擴誼園也予方與同人謀之將以明年歸其器君娶于施生二子一女

孫廷璋後更名溥溥同治元年復故名字仲嘉一字蓮  
士會稽人孫氏自明正德中江西巡撫忠烈公燧爲名  
臣其後益大閱閱爲江以南冠忠烈本籍餘姚其孫吏  
部尚書清簡公鑑始居郡城入國朝稍衰君曾祖構  
爲縣諸生祖晟益貧矣父慶琛以善刑名章奏客督撫  
者二十年家始裕君幼精悍跣弛喜爲刻瑯藻繪之文  
不治小節好諧侮人人多疾之甫冠應童子試時學政  
吳公鍾駿經學大師也以維黍二字題試會稽君獨本  
周禮亦雅故訓爲說吳公大奇之擢第一補諸生道光  
己酉充拔貢生旋舉于鄉明年試國子監學正學錄弟

首成雙美黃花對一卮新篇閒共和舊事邈猶追哀想  
竹林詠槍吟梁木詩山川攬龍虎翰墨引蛟螭海氣連  
溟渤江流導蜀夔人生如夢耳憂患飽更之學道一無  
事茫茫餘酒悲

寄方植之先生

面見知何日心親亦有年淮南高隱地薊北早寒天忽  
枉書尺至如陪函丈筵說經老不厭述造富千篇  
馬鄭原通學雷同乃俗流浮雲有時盡白日照千秋奇  
語幼誦子勿徒名象求殷勤掃榛蕪茲意豈悠悠  
爲儒宿有名傲骨况崢嶸却說多衰病應難作遠行丹

五  
厓來馬吸白髮禮熊生可使衡門下蘭枯桂獨榮

寄合肥徐懿甫

高人徐仲車質行向詩書豪傑交三楚文章辨一魚季  
心知劇孟楊意荐相如早晚北隨計歌吟辭舊廬

至日入直

周正尊三統陽生又一年紅舒中禁日青裊大壇煙雞  
樹含春意貂衣卸午天無風知有雪消息到梅邊

前湖晚眺

落日山後光斷霞紅在底湖開天宇空雲凝風固止何  
來萬蜻蜓蹩蹩交戲水下有魚吹泡圓漚散復起隄東

樹色冥天光漸西委負手憺忘歸遊神高空裏

題汪楓人遺墨

當年玉樹竝高名各有清才噪鳳城一自西風吹斷鴈  
蕭蕭喬木動秋聲

絳紗帷裏聞詩教白玉樓邊索替人想得賢兄收錦字

金龍聽雨獨傷神

楊性農孫琴西入翰林各以詩賀

神魚啖鉤韜不能赴瀾漫鳳羣見鸞鷲寶所摧琅玕君  
從田間來喜彈頭上冠文林要識職諫紙且旁看羣公  
何天衢奮欲殿檻攀朋來一陽復邪許五雲端麻冕百



川納賢路亨無艱君適應時須怛怛激忠肝獻曝太早  
計行不貴苟難藏身善弓矢養氣銳鏃干一語尤服君  
慎勿家於官刺刺顧婢子茅艾化荃蘭春虛采蘋宮載  
途涕汎瀾涼秋急歸窆衣錦誰與歡東閣觀奇士北軌  
休盤桓還來共臣朔索米向長安

又

文思繼明照策士天網頓招要我輩人談詠共鼃飯魯  
徐號文雄戰藝力敵萬溫生老魁壘餘子悉騰健如何  
但雙鳥舉翮皇路獻不能盡豪英一二足程勸楊君出  
荆璞流血矜久困君固愜衆期教胄名早建嗛伊島王

書曰君歸我畱南北北異欲如往時宣武街中同居二  
年歌哭相荅此生可再得乎孰知歲未再棋二子繼逝  
今又四年矣予以孤露羸病之身塊然獨大寄家遠役  
浮湛冗員且執筆以傳三子而謨定其遺集悲夫陳子  
著有纂喜堂詩集四卷青樽閣詞二卷穢語古音證二  
卷王子著有西鳧山居詩詞若干卷孫子著有亢藝堂  
文集勉熹堂詩集共若干卷玉井詞一卷王子詩大半  
檄佚孫子詩詞經亂亦多燬侍郎爲陳子房考師與孫  
子故交契王子則知之於身後者今次弟刊布其集以  
傳于世三子之不亡侍郎力也



雨邗水秋雲莫不唱樂府于黃塵續鏡歌于朱鷺以至  
高樓暝色羅幕西風花間古香酒邊逸句則又以屈子  
荃蘅之意寫杜陵稷契之懷焉乃若飛聊城之書艸孔  
璋之檄昌黎大筆陳淮西事宜杜牧罪言論山東藩鎮  
諸侯爭迎枚叔九重知有馬周是亦詩人之遭際矣  
而盛年徂謝不究其才悲夫農部以元伯之石交訂陳  
思之遺集將以何諸達者傳之通都則是編也且與西  
鳧之艸纂喜之詞俱千古也余既爲君慰行自幸也山  
陰沈寶森謨

會稽孫君蓮士予學正同年友也天才藻麗醇絕時輩  
自計偕入都輦文百軸聲名隱然一日都滿時與予兄  
弟等刻燭賭詩命酒顧曲風雪策騎鶯花挈榼或題詩  
僧舍或訪碑荒冢君意氣跌宕千人蔽映每發豪興輒  
至絕倒旋以高選分教六館募石鼓侍園橋篇什流播  
生徒習誦咸以溫助教擬之至癸丑歲君以試中書被  
格迺請改校官以歸遂不相見并絕書問顧聞君連觀  
大憲家業枚落參院帥軍事不得意又爲浙撫辟掌書  
記被彈落職牽連對簿子荆長揖積忤于老兵盧志耽  
吟藉傳其幽憤予爲心慕之而杭越繼陷聞君挈家浮

海入粵歷羊城客端溪郝隆蠻語傳以姬隅禰生賦才  
豔于鸚母蓋歷三四年始返其里未幾而訃至矣君旣  
負異稟文章典瓌尤宜臺閣其先世顯于有明忠烈清  
簡名德冠代宰輔八坐踵接系典科第官佐罔不悉具  
而獨未有龍首以爲闕事啟禎之世嘗以期忠襄公卒  
亦不售君雅以此自負人亦爭推之而沈滯乙科邕闕  
亢吏魯公忠節莫驗夫顏標杜氏文明竟衰于季雅命  
之不偶蓋有數焉詩文組琢務極葩豔尤工填詞刻意  
宮商不自愛蓄經亂家佚其子星華能讀父書香拾奇  
零都爲一帙今季普李悉伯入都持以眎予予以君詩  
詞尤可傳再屬悉伯審擇而付之梓烏虜羽存片光腹  
痛三步阿鷺之嫁感槩乎戲言敬禮之文遂定于身後  
殺青旣竟愴然識之吳潘祖蔭

大好郊光入畫圖  
水花風葉鏡湖春  
清風和桂棹初熟  
月裏兒童賣道書  
長安水與野仙見  
二首  
一沈西風夢不戒  
鄰心病似亂雲生  
天涯總爲傷貧  
百路誰堪死在  
小院夜聞鷓鴣  
客裏被官涼  
莫道長  
一  
二



客路艱難始見真滿階風露但傷神庾郎棲託同鷓羽  
蘇季音書仗雁賓潦倒功名成氣短飄零骨肉為家貧  
秋煙西望三秦樹應共慚為負米身

時伯兄幸秦之山陽山縣瘠苦未能迎養

出都後道中述懷

風雪關河一敝裘吾生今日信行休  
曉鷓淡月商量夢瘖馬酸風整頓愁  
老去祇應看射虎年來多已媿盟鷗  
蚤知掃落今如此悔別青山事遠遊

曉行書所見

殘夢扶頭酒半消一重霜氣濕簾腰  
埃亭戍卒低吹火野樹山僧早掛瓢  
衰柳河橋猶有月荒蘆邨港不能潮

鳳城回首鷓鸞侶政合熏香賦早朝

松濤

天風北來不到地噴薄蒼龍作秋意  
直疑倒海洗碧雲中有江斐恣遊戲  
是時密翠屯晝陰肅然萬景天為沈  
須臾苻藻亂空際可以橫卷湘江濤  
或當跛脚臥夜館風水霓裳夢久斷  
忽漫寒漪醒毛髮此身未覺江海遠  
我欲因之訪成連一氣湊泊三山前  
舉頭風定涼月墮依舊石上胎禽眠  
古來幾人真解此山中宏景亦老死  
卻誰翻入瑤琴端笑殺北窗高臥士

乙卯六月六日集小雲棲寄公房同周拜軒孝廉

慶榮 叔雲太史 星譽 李尊客太常 慈銘 家子九

秀才 咳 次少陵宿贊公土室第二首韻

蒼然沂湖陰到寺水亦靜北風墮詩語聊復亂松影  
鑪薰藹清微趣與名理永冰簟泛遠湘雪銚煮寒井商歌  
互間作煙好無異秉吾生坐寡能夢落江海迴豈不慕  
攬轡笑人懼清潁竭來遠公社初喜不吾屏攜尊竟蕭  
晨冉冉月生嶺濕雲渡水來涼透鷺絲頂

擬李長吉美人梳頭歌同叔雲尊客子九作

冰帳瀟雲香拂曙紫鳳驚寒隔煙語紅蕤夢墮梨花春  
殘黛茸茸漬煙雨縷金袖窄春鸞迴迷離僊影臨瑤臺  
嬾雲積處凝塵怯照影初驚素波狹軟匝銀鏡一再行  
翠鬢亂與春愁紫玉梁壓霧香帖妥寶釵徐試春風聲  
掩箔秋心渺何許接花媚影慵無主燕脂艷絕堪奈何  
不惜金鈿爲君舞

秋暮讀尊客邨居雜感詩輒賦四章

萬里秋笳暮西風接地來壯心空灑落殺氣尙崔嵬  
傑疑天意江山笑將才陸沈千古恨蒼莽入新哀  
誰聚神州鐵憑將錯鑄成邊才今屢借豎子總無名廢  
壘枯燐語春田繡鏃明九原公等在何以謝蒼生  
萬古風雲氣低徊入蒯緌此生渾未卜與爾一悲秋立

馬河山蹙聞雞歲月道難忘  
枵腹處何止誤恩讐  
不盡中原感創夷  
惜未遑江湖驕敗卒  
村里戒餘糧  
江左思陶謝  
朝端慕孔桑  
天心真悔旤  
事業政茫茫

駝峰觀日出歌同尊客作

仙藥不來祖龍死  
蓬萊一峰乃在此  
此邦地僻接左藏  
天策靈鼇屹然止  
去天一握有絕頂  
晦霧陰風起其趾  
我來剛值秋昊霽  
極眼橫空九萬里  
是時海門潮始落  
海氣沈沈浸寥廓  
倚天四顧心茫然  
太白一星墮芒角  
須臾紫蓋排青空  
若有閭闔生長風  
想見六驩馭羲后  
一氣奮迅開鴻濛  
下如溫犀逼水室  
上如雷劔騰星宮

始如元珠出罔象  
俄如赤水銜燭龍  
盡追元氣攝萬有  
雲物浩浩從之東  
乾坤清穆有此景  
唐虞揖讓將毋同  
我生不逢堯舜禪  
鬱鬱萬古摧心胸  
天假絕境憑倦目  
頓覺俯仰猶爲雄  
人生百年但未盡  
安必運會無遭逢  
爾來有賊在海內  
不日天討昭成功  
大明開堂受朝賀  
天子謙讓慙眇躬  
羣臣固請藏玉牒  
上追七二垂無窮  
旣登泰山上日觀  
云亭梁父皆升中  
東巡次第至吳會  
臣請此山宜當封

雨夜懷寄雲上人芝社同尊客得雨字

寒意赴暝色  
東澗琴上語  
虛帷黯春星  
亂沙響疏雨  
西



窗耿危夕清寤香共煮蕭寥百年心新警生仰俛何當  
就元賞同飲晦堂乳

擬陶徵君田居同叔雲蓴客素人季貺作

暄風暖平疇嘉穎萋已縛負耒及茲辰生事良可勗翳  
翳榆柳間植杖紛遠矚積景倏造晚墟煙眷歸犢人生  
各有營政爾求所欲相期歲功茂春醪亦既熟偃息撫  
塵勞黃農此焉足

題畫

草衣家法傳宗女粉墨飄零二百年此派幾時傳浙水  
眼中難讓許張先

為同年陳晝卿孝廉題其亡婦鏡香女史遺草

錦瑟生塵已十年人間難覓掌書仙絳河一去無消息  
畱下芙蓉密字篇

南都螺子手親調眉譜險箋一樣嬌才似令暉原不忝

此生合住鮑家橋

晝卿居植利門之鮑家橋

蓬飛雙鬢看揚塵寫韻年來未佐貧翻羨碧城歸去早  
不知世有斷腸春

秋日襟感

酒酣忽不適棖觸登高臺天門亦咫尺浩浩秋風來造  
化誰辨此與世為百哀陰雲鬱萬里殺氣何崔嵬其下

多戰死白骨縈紫苔自從鼎湖去日積昆明灰癰潰誰  
所養誤國首庸才桓桓郭尙父騎箕竟不回憂勤貽廟  
堂未惜轂屢推移軍或開府詔書必親裁授鉞爲上將  
專閫無疑猜征募遍諸道算緡急於雷微勝張首級殊  
錫出上台傳言侍中貂峩峩遍輿儻至竟見戲略但聞  
堅城頽今年棄湘漢明年失江淮朝聞兩河破夕報三  
晉摧齊魯千餘里卷地無蒿萊神京亦震蕩中原何有  
哉蒼生實何罪浩蕩罹此裁亡者日山積血肉厭虎豺  
存者能幾何生意如枯荻虛耗在閭里國計必與偕朝  
廷於赤子如民保其孩一旦不並活爲計當析骸元氣

日淪喪滔天方未涯

雨中出城訪尊客則出游南湖諸寺矣次日柬寄  
春陰匝地雨騎月新漲拍天城枕湖有時輕齋就筍艇  
想見練帶懸薇壺茶煙寺寺水楊柳邨瀑崦崦山鷓鴣  
題詩到處窮屐齒吁嗟謝公今豈無

和友人無題

雲英最小掌中身花裏交推第四春第四春見陳人道後山芍藥詩  
孫孃惟善鬪誰知越女卻工曠早紗自恨生難褻翠袖  
何曾昔已貧玉鏡溫郎真自誤鳩媒尙復咎何人  
不怨潘郎素鬢催茫茫深意屬憐才後堂願入扶風帳

前席欣邀卻月杯雙鳳屨輕纔可點九鸞釵重不勝擡  
如何人似圓蟾麗相見曾無十二回

重門春黯隔花稠相訪居然得上樓繡架日長橫蠹簡  
羅幃煙靜控鴛鈎手接褰帶渾無語眼送簾衣漸近愁  
猶有去年癡絕事坐闌寒夜看梳頭

唱斷驪駒一曲歌論心始各悔蹉跎莫言今後難忘甚  
已覺從前可感多三絕暗憐癡顧愷六時苦憶病維摩  
狂生自合泥犁墮欲懺情天柰爾何

向日心情道近愁誰知幽緒逼春蠶書來珍重終千萬  
話到溫柔只二三玉縱尙全售已誤石如能望化還甘

傷心語語難終讀比勘都增薄倖慙

漫道青谿未有郎眼看黃竹打成箱預愁輪轉風中絮  
不忍箏彈陌上桑韋女再生終恫怛妃一意最徬徨  
早知洛浦相逢左不合當時少主張

腸轉車輪各自驚心如棋局豈能平人間便自無金屋  
天上還曾有玉清奔月君能輕匹耦泛湖我願厭功名  
癡心低祝雕陵鵲莫管他生管此生

下階同指月纖纖天畔猶嗟不易圓相勸從今須散誕  
自知無益愈纏綿一生所悔將卿誤九死難酬得汝憐  
釋盡狐疑交甫意尙防風語逗人前

難問高樓第幾重此心空逐夜潮東書期慎重翻多闕  
夢怪模糊未必同瘁羽分飛禽共命愁絲自縛繭同功  
錦鞵羅帕牢收定一檢牀頭一喚儂

天上瑤姬是女孫固應精彩化朝雲

瑤姬天帝女精彩化朝雲本太白詩

春生陽朔逢初度月比華年恰二分虛羨衛孌兼五可  
偶呼崔女作雙文要知別後相思意芍藥花開最憶君  
依倚桃花阿母旁當筵初見玉卮孌娉婷名字真珠小  
掠削身材錦瑟長姑射仙人肌是雪昭陽女弟體原香  
儘能淺步沈香肩恨少齊奴百琲償

剛道心安卽是家錦帆何意又天涯君心松柏山中樹

本香山詩

妾淚芙蓉水上花

本東野詩

憐母今猶歌捉搦惱公頻

自撥琵琶空持耆域因緣頌禪榻茶煙送鬢華

雜憶 七絕句

珍亭蘭夜散笙歌銀燭香塵一隊過趨近畫羅團扇底  
那時心上爲郎何

絲竹前廳淺醉歸笑聲只隔一重帷直教看過梳頭去  
耐徹寒宵却爲誰

雲駟迎到杜蘭香筵底私分豆蔻湯記得舉簾門外送  
重來低約蜜梅黃

青粉牆西翠幙開晚妝剛值下樓來靈犀可惜遲猜透

不喚驚鴻首一回  
背癢難饒一百鞭  
何圖怪吝破神仙  
雙剪與檀奴去  
知否儂心與指連  
頗持才能賦錦鞵  
疏狂便敢乞為柘  
魂銷金縷南唐樣  
不得親提剗鞵來  
無端別恨值春殘  
眾裏盈盈欲語難  
一霎心情都莫定  
纔回屏側又憑闌

雲栖禪院畱題二絕

丈室天花倚翠屏  
定中一磬落秋冥  
鬢絲舊感都除起  
聽諷蓮華小品經

十載重參竹屋燈  
戊申年曾宿寺中  
樓閒心諾了無憑  
明朝又踏江聲去  
苦憶南廊打睡僧

應辟赴五河軍中舟夜不寐作短歌一首卽題日

記卷端

食其腐儒合遭罵  
樊宏書生甯習兵  
惘惘出門可憐色  
茫茫對此無限情  
西風滿江飄長纓  
江水爾亦胡不平  
歸來求得北府酒  
醉汝一洗蛟龍腥  
從軍五河道經邗  
上食蟹有作  
黃巾十載滿天地  
江淮殺人血如洗  
城頭日落胡笳酸  
旋風如刀鬼爲厲  
扁舟歎夜邗江濱  
湖西賊退無兼旬

空涇蘆花泣燐火斷陂菰米沈寒雲江鄉蕭條那可說  
獸有霜螯賤如昔老漁性命賊口餘夜捕西風去餐客  
書生身手劇可憐豈能殺賊先諸賢江頭十日風雨惡  
孤征仗劍心茫然左斫雙螯右持酒臥看秋星大如斗  
封侯萬里行焉求一飽其餘復何有將軍今夜鏹敵圍  
擊鮮醜酒歡如雷荒江無人霜月白我與諸君遙舉杯  
昨夜惕息不得眠眞憂從中來不可斷絕也占

七律寫之

草草離亭酒一樽布帆眞已下吳門裹頭痛飲孤兒淚  
落魄羞蒙國士恩戍堞雲黃驚旅雁戰牆風黑拜江狔  
十年重省扁舟路家國蒼茫不忍論

江行遇雨迷不得道泊荒港中

空灘響交蘆遙天墮平楚津亭不辨色孤纜鎖江雨勁  
寒肅精魂頑黑警遙語颯然枯炬燼山鬼相爾汝眞宰  
變寥廓萬象入慘沮平生睡夢事直用堅忍取息倪還  
吾眞雲霽天亦曙開門見白鷗昨夜宿何許

洋河道中寫懷

暢好清秋碧玉卮蘇臺十日醉楊枝卻拋銀甲彈箏夜  
來逐黃皮縛袴兒江上魚龍愁戰伐山中猿鶴怨奔馳  
封侯第一歸來早莫到韋娘宛轉時

申江感遇

巢痕難認十年前今日登樓感仲宣  
番市樓臺融蜃氣  
妓場簾幙散龍涎  
江潭歎夜吟山鬼海島何時葬水仙  
珠履此邦空佇想春申古隧闕荒煙

上督帥湘鄉相國師

我朝景運實竒勦豈惟世德深涵濡  
太祖太宗始締造戎衣未及混八區  
萬年神器歸世祖時猶石紐聞啟呱  
入關從此定郊廓乾籙方盛遊鼎湖  
聖祖膺圖並沖幼海內新定危疑俱庶頑  
煽亂旣實岌一朝龕定眞神謨岐嶷相繼定  
垂創二祖首出鴻荒

無嗣是累葉享清宴厥或不靖隨討除屬當  
先帝初祚日乃有化宇遊貔貙世習承平弛  
兵革天苦生齒資芟鋤遂令斧底假餘息  
不惜寓內流毒痛東南喋血數千里封豕  
所觸無堅郭先帝憂勤十一載遺恨未遂  
吞三吳天以多難啟後聖詔書哀痛稱閔  
予豈非靈穹有成格眷命特與二祖符卽今  
御宇未數月氣象駿肅已自殊首極共鵬靖  
堯陛下拜風牧凝軒圖廟堂蒸蒸日上向治  
豈憂齊斧稽鯨魚默推興運天久造先五十  
載生鉅儒恭維我師挺名世忠孝文武資楷  
模早膺特達在宣廟舟楫已爲今皇儲咸豐  
二年賊

始橫突出象桂馳潯梧明年長驅破建業遂以建瓴爲  
負嵎公時銜恤在閭里忠勁奮發雄萬夫援江保鄂有  
成績柳營紀律人難如 先帝晚年信愈篤始假黃鉞  
頒彤弧從來閭寄關社稷老臣籌策誠宜紆此寇披猖  
久盤固翦葉未足摧根株虓虎雖猛在善制搃吭何必  
憂其餘賊今臂翼恃全皖內蔽心腹旁張舒不爭此道  
入鞭辟控制在敵謀終疎公既受 詔默定策視賊命  
脈加剔劔力爭上流遂得勢盡收旁郡如拉枯比聞全  
師逼城下旦晚入穴殲厥渠以次迎刃解吳越著手無  
用紛追逋譬如橫流絕觴濫縱有膏溢皆潢汙蠢然此

輩難盡殺導以隴畝爲委輸公之南征事乃定然後袞  
繡還上都 國家寇盜固爲害猶人有疾纏肌膚惟賴  
元氣善補救疾且易失加充腴所以調燮事尤大其效  
以漸功以需公且手定外亂訖政應萬物當昭蘇 大  
廷枚卜信有主 成命潛與貞元孚聞公昔年位卿貳  
久以正色殫匡扶疏抗鈞衡有密勿議獻 郊配成都  
俞聞公比歲領征討愛數萬卒如嬰孤雖有枵腹飽忠  
義臨敵氣盡吞於菟聞公殺賊最矜慎降散無一遭駢  
誅手成歌詞檄眾賊賊脅從者心歌呼聞公戎幕盛才  
俊薦之清廟皆璠璣其尤傑出並開府隨公絡繹清天



衢賤子所得僅耳食十年恨未從公趨身名瓠落叢怨  
謗井邑蕪廢遺邨墟塗窮屢欲訣妻子家亡轉悔存形  
軀天親終古已失倚溝壑豈問今何辜蒼生如我政無  
算蹙頞咸待公下車拜手獻詩實自賀喜將與世遊唐  
虞皋廣翳贊行有述韓碑柳雅奚足摹還看報政返東  
第太平經世編成書舉今勛伐炳衛霍度公滿志猶躊  
躕

滬上贈陳珊士比部

壽祺五首有序

余避地入滬值珊士乞假尋親浮海至此念家  
山之已破得旅語於故人累欷之餘聊一破涕

惟余厲脫豺牙枯登鮒轍既自悲秦川之非吾  
土復不得臯橋以爲主人靜言平生不偶非一  
豈因宋玉微詞之累遂有深源怪事之書魑魅  
喜人鴟鳶嚇我史公之傳貨殖徒峻龍門賈傅  
之擬離騷行悲鵬舍牢愁未已甌亂相驅杜鵑  
爲望帝之魂青蠅作虞翻之弔搏沙聚散原屬  
何常阿壁光陰尙能幾日故人訣矣作詩五章  
多拉襪自寫而美君將母之役爲可風也時壬  
戌五月

咫尺烽煙滿故園滄桑遺事更何論客中不意君先在

亂後還驚我尙存  
逆旅竒逢甯夢幼  
做廬遙望各聲吞  
只憐舊日高陽伴  
貧到難賒酒一尊

艱難十口賊中來  
漫信從今脫旣胎  
逋客姓名憎襪襪  
腐儒性命賤蒿萊  
但遭饑餓猶竒福  
不學屠沽總廢才  
千載要離吾欲傍  
卻教荷鍤仗誰埋

乾坤莽莽欲何之  
憂患年來鬢盡絲  
甘已文章吹馬耳  
誤同謠詠中蛾眉  
殺身原未傷吾道  
棄物無端值聖時  
努力諸公麟閣上  
不才報荅只能詩

空持絮酒酌春申  
躑躅江潭到日曛  
聊得死投乾淨土  
政堪生謚杳冥君  
春心蜀魄三更淚  
罪草湘纍九辨文  
畢竟功成還蹈海  
魯連多事卻秦軍

萬里尋親事可傳  
風濤不問死生懸  
功名何忍慚清夜  
盜賊終由棄性天  
豈有帝心難鑿汝  
能充君類足安邊  
吾今亦受橫流禍  
請爲蒼生贈此篇

珊士招飲酒樓歸誦君詩卽題其集用卷中往年

倒和鄙人食蟹詩韻

爲君一飲三百杯  
枯腸芒角收飢雷  
歸來讀詩破醉膽  
偏師敢奪長城圍  
陳登豪氣無不有  
烏帽狂歌拍銅斗  
騎驢花市散直回  
狼籍使才如使酒  
海內兵氣方囂然  
落拓難爲王公賢  
一官將母苦不足  
飢死羞乞朱儒憐

我復懷君同舍客駿骨仍聞瘳如昔漢廷揚雄強解嘲

謂周叔雲大史星譽秦郎蘇君徒獻策謂李尊客郎中時猶未到官二君皆與君都中同宅

況我飄泊同孤雲百指旅餓常兼旬與君今日尙握手

明日拋骨空江濱還君詩卷益淒厲請君詩腸倒江洗

麒麟高塚今特多政恐埋詩少餘地

亢藝堂集卷二

會稽孫廷璋蓮士著

古今體詩

滬上喜遇潘椒坡介繁卽送其重還鄧尉山中并序

今年四月余避亂滬上知椒坡先已入鄧尉山中  
骯髒不得遇更兩月余有騎省之戚旋臥疴  
繩床短檠熒熒稚女相守忽呻忽囁自謂無相  
見期而我椒坡竟至喜極嗚咽不知涕之何從  
也既幸故人能來病亦良已作長歌貽之篇中



追撫昔款殆難爲懷嘗自卒讀益悵悵涕不可  
仰君行復還舊山兼卽相送所恨喪亂以來懷  
抱可想猝構斯事手重五斤加以逆旅塵穢直  
如給札籓溷間庚申外史云情知春草池塘句  
不到柴煙糞火邊固宜蕪音累氣重爲隱侯病  
矣君故見癖嗜將又謂味似鰾魚耶適望見襴  
衫鱗紛肩隨若匹耦跚跚然坐主人簷下隙陰  
左手拍青竹板右搖臂作撇捩狀相與度爲曼  
聲無何曲終市上人笑釀之錢以去度是人如  
是更數番可便飽腹軒臥而我撚髭數斷始能

跳出一篇飢火正煎持此曾不換杯水以視拍  
竹坐簷下須臾博市人錢者不如也不如也執  
是以論便工何爲并舉似椒坡以爲何如

前年手折閭門柳側帽花前醉君酒驚心別後劫灰飛  
此際不知君在否去年聞爾浮洞庭全家貸賊眞再生  
五湖三畝攝追騎問道夜走春申城今年我亦浮家至  
期君各訴蒼涼事胡爲掉頭重入山蕭瑟江關空寄意  
我來海上百茫茫忍飢不已還悼亡病人窮鬼苦相搏  
自分與爾終參商牀頭昨夜燈花喜私慰來朝病當已  
何期一刺故人來下牀走迎脚不履咄嗟握手瞿心顏

爾何黧黑吾蒼髯都疑邂逅成隔世何堪譚笑追昔年  
昔年並轡蘭臺走馬稍清談好身手池上君殊有鳳毛  
花間我每從犀首中郎阿大盡能文細唾輕衫總出塵  
曼歌自按紅牙尺醉墨分題白練裙花萼筵中盛賓客  
柘枝我覺顛尤劇狂隨隄上唱銅鞮醉便壚旁眠錦瑟  
玉河濯濯好楊枝最是何戡絕妙時但怨班騅送油壁  
不辭絳蠟寫烏絲花遊別有東風眷屈戌銅鋪鎖春燕  
文園賣賦酒錢龕屯田下第詞名徧是時兵氣滿炎荒  
殿上求衣夜未央安危自仗諸公策痛哭何消我輩狂  
鵠立銀袍同聽點年年瑁璫和春餞遨頭自笑送人忙

捉鼻政愁難汝免京洛緇塵厭客裾秋風一夜憶蓴鱸  
祇餘爽戀西山笏不願官求北府廚君遡南鴻潞河曲  
我亦凌冬理歸軸衛公舊築洛陽園司空新買王官谷  
所嗟水路自迢迢從此相思隔暮濤卻掃終乖嵇呂駕  
撫塵長濶尹班交人事歡娛有銷歇阿連春草風前折  
入室君嗟子敬琴比隣我愴山陽遂痛心俄共泣皋魚  
荏苒光陰隙過駒君儘羅囊賭諸父我誰葛帔恤遺孤  
誓墓初心遂成阻飄零書劍仍何補鼓吏奚庸擅賦才  
參軍徒爾工蠻語時事身名等陸沈雍門彈畢足酸辛  
九歌屈子遭讒日五憶梁生避亂身海邑翕然聲利藪

依舊朱門能炙手毋乃程羅氣太尊反令許郭名居後  
不然如爾亦胡憂閥閱才華盡上流王粲無家猶貴介  
邵平累世是通侯爾尙棲棲憐鳳泊何怪鱖生合遼落  
縱聞虛左待侯嬴徒冀長鳴逢伯樂鬻畚垂簾未有方  
漫從詹尹卜行藏難期海上栽黃竹只擬齋前種白楊  
自傷重復傷君別仍向荒山煮白石默處雖全管幼安  
亡歸終惜徐元直情知此別事茫然終有年期葬水仙  
但是吾曹轟美酒便應公等上凌煙行矣願君慎自愛  
閉門且種劉郎菜我縱封侯骨相屯此心尙自馳吳會

呈潘玉泉都轉

曾璋

早歲華簪擅九能城南尺五傍觚稜韋賢少子西京望  
張緒當年北闕稱曲燕醞分金掌露御屏詩映玉  
壺冰竹林暇日歡遊賞卻幸追陪我屢曾

時節承平蘊莫知唾壺塵拂歎風儀角巾東第惟延客  
華蓋西園競賦詩後進謬推裴叔則眾賓欣遇鄭當時  
何須竊視牀頭易始信王濛叔不癡

禁中頗牧表才賢氈帶雙健出海堧漢代谷蠡新就款  
唐時回鶻請援邊遙分上相籌神筆

時曾滌生揆帥駐軍安慶

數報

名城逐寇旃餘興雅歌應不淺顧榮應璩並淵騫

彭詠

國表君以刑部郎中出辨江南團練今滬中設會防局與泰西諸國協同剿賊君與顧子山觀察文彬應敬齋

刺史寶時總其事頃松江  
諸屬邑皆合西兵收復

卷二

滄海橫流事可傷不才今最慟猖狂江東久棄羅昭諫  
海內猶存盛孝章欲託監門圖困悴尙稱記室擅飛揚  
仲容絕代青雲器回憶鴟鸞隔九閭

謂令姪伯寅副憲

閒門一首和潘椒坡元韻

東風無賴蕩微暄依舊茶檣水滿村打起鶯兒悽斷夢  
邀來燕子說銷魂淚棲團扇泥金字香褪檀槽拍玉痕  
頌酒學禪從此始怕仍無意抵重門

和潘辛芝舍人

觀保韻

丈夫原不仗毛錐苦望揚雄後世知餓骨反能增伉爽

回頭漸覺悔貪癡生當作達何須仕事近邀名只有詩  
何日祝翁從授法竹籬粥粥課羣雌

妙格蓂花比畫錐當年結託始相知

元微之詩結託蕭娘只有詩

碧

蓮到底中心苦紅豆生成入骨癡瓊樹朝朝長恨曲香  
囊叩叩定情詩東風誤結三生案浪作蜂雄蛺蝶雌

送陳珊士奉母浮海還都兼懷潘伯寅同年

江勢日夜趨崑崙西風蹴浪萬馬奔送君登槎返瑤闕  
脚底颺沓掀鯨鯢樓臺凌霜翠屨出島嶼截浪冰螭蹲  
峩峩一鏡搏桑暎盡掃象緯排天閭非煙若花拂檻過  
險被手撻畱餘温羲和騰精萬萬古到此堪與浮漚論

卷二

五

乃知元氣有橐載就中一物爲乾坤颺母危立空中雲  
手抉噫氣馳飄輪浮霾隱起纔可粟白日蕩蕩波無痕  
須臾一縱割昏曉追攝萬有沈齋淪遠愁鼇極失故迹  
下視蛟族亡精魂賈胡篙師盡惆悵此際惟恃心能捫  
吾知君也不逢此忠信涉川古所云憶君來時溯析木  
襍被亂裊春濤昏豈因奉使訪仙藥蓬萊縹緲朝羣真  
又豈鑿空踵博望支機遠乞銀河濱秦皇漢武侈荒域  
聖明此事非所聞或者雞林與馬邑朝貢有禮須褒勤  
帝曰汝才其可使往宣朕命加元纁不然瀚海正傳箭  
自請尺組俘恩循二者大可博鐘鼎次亦華組影纒紛

舍是曷又輕試險得非飢死憂金門 本朝嚮用重儒  
術孔桑心計緣難貧自從軍興竭輪轉關河遠算舟車  
緡耕奴織婢理當問豈謂奪主真喧賓來從牧豕尙清  
白坐與爛羊爭級勳巧謀中飽劇巨儉勤奉餘羨忠吾  
君久踞或已門列戟斲親無勿腰垂紳鴻都可諧到科  
第貂尾能續盈兒孫易觀豈計奴隸笑張磔足使王侯  
薰斯風海國近爲最爛然繡纒包羶葷能來手攫亦大  
快遠勝誓墓售韓文或云膏血非善貨類致誅譴干明  
神要領嗣息懸夙負姬姜田宅司他人明知腐腸姑嘗  
鼎縱非尤效懼謗分吾笑謂此自有處但當爛醉謀紅



卷二  
六  
衰妓堂銀燭合香麝鷓勺翠釜羅殊珍九華之箏襍瑤  
瑟二十五雙金雁新雛鬢趁拍年十五綠鷓覆額光初  
勻一唱江南已腸斷鷓鴣越調添微曠惱公此曲且莫  
拊肩惜醉玉頰輪困玉繩漸斜案戶沒媚語拂拂吹餘  
醺錯刀繡段粲盈席纏頭一擲還吾貧一歡電抹固無  
謂遊戲宜免遭天嗔吾方狂言雜笑詎君自愁淚含悽  
辛阿奴錄錄有母在苦爲負米羈縲塵一官浮湛今七  
載養堂遲未霑朝恩慘值龍沙掬桑梓極天禍燄真  
炎崑此時椎胸日南向瀝血上顙蒼穹仁妻孥慘辱都  
不悔惟乞衰白能生存王陵溫嶠口可藉其柰鬱烈中

心焚裏糧縛屨從此始走死誓亦迎吾親嗟君此念卽  
司命潛懾海若孚黃巾板輿出險登九達鶴髮仍是康  
強身艱難一百一十指無恙同脫豺牙狺嗚呼世亂奄  
踰紀極目萬里惟荆榛瘞骨未收憫忠塏招魂空葬邴  
連墳風吹野蒿腥戰血雨洗敗葦漂寒燐子孫流亡故  
鬼哭衣冠淪墜人奴尊東南板蕩至此極海內望治如  
陽春氣機可轉庶此日聖主初祚新陶甄闔庭共賀  
得元老臺垣私喜居諍臣河陽清卿吾舊友論事風骨  
何嶙峋早經珥筆奮嚴助頗聞對仗彈平津鄭公立朝  
絕媚媚敬輿居禁貪敷陳駸駸三十需大用韋平世業

光後昆與君相濟信沉瀼

伯寅為君釋褐時薦主也

定知所質惟經

綸君固郎署未專枋循資考最均及辰何難通顯躋九

列或持英篋來宣旬致君肩比數賢達手幹元氣還吾

民漢唐以後論治績惟宋元祐風彌醇當時邊鄙豈無

聳夏實逋寇遼強鄰范韓溫潞布中外屹然巨臂撐鴻

鈞今之朝局頗足似固知休運當重臻君今到日秋正

好朝衣不脫娛佳晨直沽紫蠟膏溢玉豐臺白菊花如

銀爛斑插花壽無極諸孫歡侑皆莘莘上有宣仁下阿

母好斟此福蒼生均

荅潘辛芝舍人見贈次韻

閒居乞得著書身潘岳才華粲若春家有老蘇傳述作  
詩如狂李感星辰鳳池一昔工裁詔馬磨如今苦給貧  
嶰竹終難淇水老周家方自責伶倫

滬上遇王小鐵舍人堃贈之以詩并索畫家山圖

兼示令弟研山孝廉

我初識君司寇宅

謂趙蓉舫師

三十有餘頗白哲問名知是

詩人孫文采風流故無敵

君為夢樓太守曾孫

是時海內初用兵

潢池盜弄何足平吾曹但築詩酒壘縱橫各有長安名

嗚呼世運日遷變錦片東南今百戰傷心吳越等無家

飄零海角重相見相見華顛各已皤一時遽欲問誰何

纔隔十年渾隔世河山且異況其他滄昔乾嘉稱極治  
文苑儒林不勝紀翰林太守擅宗風詩埒右丞書內史  
百年雅道付文孫寄食南昌不自存狀貌空遺蕭穎士  
丹青堪歎曹將軍須識兵戈苦相厄造化總還輸筆力  
倔强能逃浩劫中嗟爾江山猶脆質我今屢見煙江圖  
洪濤萬木爭號呼天池倒傾元氣濕真宰入握羣靈趨  
又從王珉白團扇瞥見驪龍珠一串知是君詩脫贈新  
入神篇翰何蕭遠如此才名作寓公聲價纈然來向東  
海濱末伎正喧雜得此吾道非終窮愛弟詩篇最冲俊  
結社西園互標勝顧厨俊及一時豪難得鄴中聯二應

我如靈運本疏頑白社無因得叩關苦惜屐材無蠟處

須君爲我畫家山

元遺山有  
家山圖

贈唐序階秀才

頭角當年氣似虹無雙江夏譽黃童全逢禮樂開元日  
親接源流正始風四傑體裁終不廢一生跋扈爲誰雄  
特因待我徵文獻兵火巋然仰魯宮  
旅夜閱唐秀才端州紀變詩書感  
慘澹西風激素波悲如同谷七章歌目空程李餘何算  
氣挾幽并老不磨尙憶麻鞵餘慟哭如今銅狄賸摩挲  
燈前擊節生棖觸我比唐衢淚更多

血洗中原作海流，狼弧虐燄一星周。橋山弓劍雷遺

憾，江左衣冠盡楚囚。充國若存何至此，謂林文忠哥舒一敗

遂難收。當年誰是王夸甫，大錯茫茫鑄六州。

桑梓龍沙最悼心，誰云天險足憑臨。未聞王濬浮江下

又報孫恩入寇深。蕩蕩竟誇城是漆，紛紛頓棄甲如林。

北門管鑰何人掌，五斗天師誤到今。

拱手山河半壁殘，朔風白骨夜漫漫。朝中何惜誅房琯

江表今惟望謝安。謂湘鄉侯帥頗憶孤軍懸石壘，今年春曾方伯國荃

率師搗金陵已傳城下大營兵近聞雙節下嚴灘。左季少無繼進者今向屯雨花臺

承由三衢轉戰而下已入淳安中興日月今方麗，早揭

江東父老看

百指蒼黃出遁初，草間屬息最崎嶇。驚傳偽檄徵龔勝

暫變真名匿范睢，剪紙時防魂不返。吞氊仍患食無餘

即今家在秋風裏，猶恐監門畫不如。想故人言說

險絕函關夜賺開，橐中色早灰。杜鵑從此歸無路

磨蝎偏還命有災，裏飯誰憐桑戶病。招魂更比左徒哀

淒涼道脫紅羊劫，卻向荒江藁葬來。二月未全眷附佑人舟間關入滬始

出賊境居逆旅中滿屋皆病去歲避賊至山中兄子寶

仁婦暴歿遺三月兒至是此兒先殤予婦繼之麥飯紙

錢都不能具桐棺寸厚相送於波濤萬里狎天吳，性命輕懸碧眼胡。入海豈緣仙藥使

論邊直似鬼薪輸烽連故國無鴻雁淚落他鄉有鷓鴣

日暮水中鳶跼跼一家寒信警菰蒲八月間復挈眷附番船自滬中至嶺

外時伯兄  
先已在此

對床風雨各淒然難得浮漚聚又圓車脚勞薪原共命

刀頭破鏡定何年無家遑更論身外不死尤難度眼前

卻訝黎牀潦落客當時猶有可耕田

墓田東望黍離離絮酒憑誰奠一卮歷劫人言端有數

戴天吾恨了無期空如精衛思填海豈解姬隅賦躍池

忽憶西州曾折箠痛吟曹植挽歌詩前歲客王雪軒中丞幕府今中丞已

死節矣

步兵今日信途窮萬里珠江一斷蓬行計悔遲虞臘後

悲裏難罄越吟中里閭惡少成酋長泉路諸親有鬼雄

便得化為遼鶴返豈堪重問舊江東

書劍重番理舊睎半肩真似打包僧何曾北郭竽工濫

卻與南州榻共登亂後饑寒聊可託瘦來肝膽斲無棱

驚看折戟西江岸秋雨苔花血尚凝

龐公耆舊近連牆為語桑麻亦戰場彈指纔經龍漢劫

傷心曾作雁門行君詩中有挽从廢興君似談天寶流

落吾猶謫夜郎同是不堪回首恨登樓王粲歎茫茫

蘇賡堂給諫廷魁卜居新就兼送其奉召還都

蘇公忠譽姿匡國抱奇識秋霜飛簡端翕翕日盡側豈  
不嬰危機頂踵輕社稷立朝三十年真氣隘八極風節  
震廟廊薄海聞考擊誰知拂衣還妻子依片席三徑資  
絃歌四壁今有立從此東郊門千載過者式

宣皇御寓久傑碩盛收攬屬當濟艱屯愈因顯詒燕恭  
維先帝聖淵度優極諫公時批逆鱗瀝膽沃姦醜請  
劍雖未遂固爲列聖鑒所以堯廷奸終遭有虞譴同  
時倭體仁正學負伊且粹然論治要天子首屢領嶽  
嶽曾湘鄉免冠因有獻抗詞爲二公義色何侃侃偉哉  
三君子登朝輩相間崧華錯基趾壁立天下見自古宏

濟畧決不出忍澗至今兩相國樹立庶幾諛息壤各在  
彼公手甯得斂縱今菟裘成敢請撫夙踐

自公去朝局阨危逼朝露犬羊忍羈縻狐鼠恣狎侮痛  
哉蒼梧狩四海切攀慕殷憂啟盛明天眷有成數不觀  
二祖朝謨烈炳冲祚足知氣機轉特與聖哲遇公今荷  
特召忠識遂決赴十年卧疏廣一日起謝傳大賢出處  
間所關自有故卽公攬轡日可以卜天步

我讀梓材篇治道若作室側聞廊廟具構材頗云亟  
列聖造區夏是何經始力朽蠹久則生區區煩綴葺如  
何般倕工慘澹心轉拙道謀亮難成畫墁尤墮績公今

卜新居旋馬容雖劣想當覽結構着意在拱極環廬各  
有承腐材首必易所以吉祥觀井然悉相得願公參嘉  
謀還如治公宅先陳鴟鴞章再奏斯干什

呈廣東伊雲巖方伯

伊霖

弓旄方盼錫專征何意陽春脚遽行注考真同陽諫議  
去屯最惜趙營平角巾公自還初服擘畫人誰繼老成  
第一 詔徵東墅日尙煩亟起爲蒼生  
當年籌筆定谿蠻轉覺功成慮更殫但看髻催今日白  
可知心竭此生丹許身敢爲飛鳶動得福真同失馬觀  
軍國計臣方袞袞罷官似此近猶難

溯從領郡得龔黃福曜天教普此方十載潢池勞砥柱  
九遷藩府定苞桑恐公此去關天下惜我無因叩帝  
旁但祝春風體忠愛年年長護召南棠  
水同廉靜佛同慈何怪東人永去思治粵無如公最久  
識韓偏恨我猶遲飄蓬敢擬南州躡種菜俄驚北海知  
天意若真安嶺嶠請看把鉞再來時

題陸秋生廣文邦江詩夢圖册子

蛤蜊菰葉晚蕭蕭月落隋家第幾橋  
虧是秋墳能唱句不然涼夢忒無聊  
吟過棠梨月色斜織烏吹送客還家  
匆匆詩尾忘題款

或是當年蔡少霞

瓊花鶴市散如煙猶占揚州好墓田比似蓮花詩博士

風流須要陸家傳

結習人天兩未除淒然清怨動寒蕪平明傳遍旂亭路

還唱黃河遠上無

玉鉤斜畔慘西風千古埋香恨事重應有佩環歸月下

不知那夜可同逢

題王子欽秀才歲朝圖贈蔣樸山都轉

蒼龍蹀躞天東來珠沫一歎齊煙開是誰狼籍碎瑤錦

寶鉸亂向星機裁姦華騰精昌益旦俯視陽舛俱徧散

旁侍蓮花玉女驍同博紫庭微一粲禹夸本宅羲和臣

手清海霰宏宣旬還持蕩節兼桂筦不使左轄私陽春

東風九萬來爭捷預趁年前轉青律十二月二十七日立春催放

花枝照海寬卻與甘棠染春色

正月十七日為元高士倪雲林先生生日其遠孫

雲癯參軍以是日設祀學海堂集同人賦詩侑觴

同集者蕭山韓螺山舍人欽南海陳蘭甫學博澧家逸楚別駕福田

仙春城滿碧桃枝鶴斃如煙認鳳姿蘇某所摹遺像詠

蕩金吾猶展夜摩挲銅狄適如期高士生於至元辛筵

前分去聲補紅蠡捲紅蠡捲碧知無分集海上遊停赤鯁



騎此是慢亭家讌盛底須配食水僊祠

終古荆蠻一逸民高士嘗自署為荆蠻民五湖三泖最知津每航

借榻依僧夏足許披裘釣富春詩仿陶公存典午本吳

題名宜白傳喚迂辛見白香山詩自注鴻冥堪歎嬰狙網狙網見本

集空與要離冢作鄰

千頭曾擁橘官租淥水名園住謝敷名重賈胡知磬折

指番人再拜清闕閣事癖奇營妓但壺盧謂趙買兒移牀直斥僧真避

障扇惟防庾亮汗逸品總居神品上此人此藝一時俱

少微從古曜吳中箝口思全卓帽翁笠澤姓名更范蠡

高士曾改姓名曰奚玄朗草堂兵燹去盧鴻賣田猶作揮金俠嘗因貧變

產得值千金以資張貞居仍無所踞座真遭煨錫公稱

留昔日揮金豪俠亦集中詩也泉亞中冷田下選換來江上一飄蓬正

平駕黃祖為煨錫公此謂張士信人自膺滂傳裏來却教絕藝掩畸才同時黃鶴齊名許

臨老紅羊換劫哀世運本如生魏晉古歡真可締王裴

頓令吳客增清價只為巾箱有斷煤先生殘煤斷甗江東之家以有無為

清俗見陳眉公本集序

清悶宗風喜未孤參軍今解賦姬隅踏筵妙舞工鸛鶴

合座新詞侑鷓鴣白雪當時空見忌白雪亦忌潔本集中句黃樓

此樂久應無標題合仿西園例敢補南湖第二圖集中有畫

南湖竹石題贈王仲和詩題注所識月日正今日也

題倪雲癯少尹

鴻

豆棚閒話圖

圖為曩年避亂時作

南山一頃翠離離正是霜肥露湛時  
縛做借秋亭子樣劇碁清煅各隨宜

紛紛涼月罇微通穩過江湖穢短篷  
幾個涼葢閒似客別緣煙蔓絮西風

也語桑麻也市朝過時欲記覺寥寥  
本來二十三家史唱箇西江月便消

半是春師半菜傭此中曾許有英雄  
當時我若班荆在牀下先來拜德公

諸公平準出心裁半菽軍中政可哀  
大好追涼團坐處慎防籬外吏人來

采菽中原事稍非仰天我更欲戲歎  
苦思末下調鹽鼓一柄長鑱沒處依

偶作新柳四首用漁洋秋柳詩韻示兒子

含情忽斷翠樓魂從此閒愁欲閉門  
客裏有人慚髻色閨中被汝學眉痕  
春歸塞北猶無路酒賣江南已有村  
祇是曉風殘月岸屯田舊恨怕重論  
休怨關河落曉霜夢痕爭發謝家塘  
買春浪擲黃金縷學舞偷開碧玉箱  
漫把絲情牽蕩子未宜絮劫問空王  
依依青粉牆西路記取章臺第幾坊

屏底誰窺淺綠衣問名知是杜郎非天涯有客青衫滯  
陌路惟渠白眼稀此日藏鴉猶可見何時乳燕始能飛  
漢家營裏春風細去覓封侯願未違

一分春作十分憐翦翦東風縷縷煙別恨漸翻三疊譜  
餘寒賸擁數銖絲杜秋此是初逢日樊素今當未嫁年  
獨有姓張風度好靈和殿裏曲江邊

送王雨庵觀察澗由輪船泛海入覲

萬里朝天振鷹華此行景倩信堪誇蠻城餞趁紅雲讌  
漢使程登碧海槎捧日從知霄漢近御風未覺海山遐  
到時剛預櫻桃會賜出晶盤爛似霞

將歸浙中書感四首

春遊王粲苦無家賦罷登樓黯自嗟依傍生涯同燕子  
飄零身命是楊花流年此日愁看鏡世態誰人不似紗  
幸得鄉關烽火靜盡收盞篋買歸槎

萬死投荒博再生如何虎口又重嬰偶緣知己情初洽  
直使全家命盡輕刁斗異鄉悽鶴唳檄書通夕斷雞聲  
至今兒女春宵夢弱魄忡忡尙屢驚

余因故鄉被寇間關入粵昨歲至龍川又在圍城之中當戒嚴時已決去志爲主人雷連誼不忍舍若當日竟與蟲沙同化可謂死太無名矣

腐儒性命直區區不值人間水一盂誤把景升推俊物  
轉隨阮籍哭窮途片言白刃成仇易近代黃金作俠無

凍殺紘干山上雀飛歸生處是良圖  
肝膽逢人不自量果如歧路竟亡羊掉頭今且歸東海  
對面方知有太行未死升沈誰敢料有生恩怨特難忘  
去從故里尋歐冶倩儔芙蓉一片霜

題傅節子郡丞花延年室金石拓本

編排金石始歐趙鉤拓自合尊宜稊河東款識特精妙  
嫻媛館主重棊譌近今契索遞流布丛岵積古公前波  
桐鄉金氏亦其匹鏡背瓦腹殫蒐羅誰做潘氏獵碣例  
侍郎爲釋籀與蝌題詩亟勸布金薤秘不錄副成蹉跎  
昔年賤子住都下兩家後享頻相過鑿楹有此惜未睹

深屋難許窺修娥玉樓上梁召何促侍從一夕辭鑿坡  
圖書流浪或職此此物亦幾埋銅駝北地傅元酷嗜古  
得之欲唱宏農歌珍檀古締重薰裏蹇衛到處奚囊馱  
苦心裁鑿事增續堆案尊卣紛磊砢觀耕春隴拾斷鏃  
下馬枯塚捫寒莎土花嘗紫漬人血銅鏽結綠排蟲窠  
晴窗靜辨百番紙輕鉢勻劑千丸螺丁丁椎搗日盈卷  
持比原本精且多行謀剗剗播海內蒼黃避賊荒山阿  
三年拾橡餓不死奮隨健士提長戈鏟平賊塚返故宅  
草堂四壁惟牽蘿牙籤散棄已垂盡零丁求索從誰何  
豈意至寶不淪喪例有鬼護兼神呵無煩趙使走間道

竟贖蔡女歸漳河  
葫蘆鈐識宛未沫  
錦暉裘襲平不頗  
燕雲唾手有如此  
疎駛頓似蠲沈疴  
重讐首尾益新得  
斟酌限斷無嫌苛  
郭象竊注誠可恥  
少孫補史還殊科  
自題續本別初本  
一例玉樹交珊瑚  
回憶侍郎作詩日  
距今周甲真剎那  
豈惟白楊堪作柱  
墓碑亦恐遭刊磨  
當時人文正全盛  
羣公邸第鳴玉珂  
太倉北平時尊宿  
陽湖青浦肩相摩  
鉤抉經史到閩輿  
商榷箸纂何委蛇  
吉金樂石間旁訂  
遠使都趙慙顏配

下缺

### 青豆

鹿籬新采一檐盈  
微漉晶鹽小焙成  
筐裏漉青融露液

茗邊纖碧鬪雲英  
價償金谷無雙豔  
淚墮陽關第四聲  
持比相思南國種  
未應綠意減紅情

### 榷實

綽有風棱挺玉芽  
釘柶橫似眼波斜  
紫胞穎脫遺蟬蛻  
黃面鱗皴蹙繭華  
銳削海邊仙棗核  
澹霏春半水松花  
嚼來恍比輕冰脆  
只累纖纖鳥爪爬



祝英臺近

長安旅館秋夜聽雨

茗初寒燈欲暈涼陣灑梧井何處飛來蛩語歇淒緊却  
和檐際孤鈴譙邊斷角都分付教愁人聽 菊花近商  
略明日清尊將就散秋病不分今宵無夢嬾支枕最愁  
雁宿吳楓溼雲一片猛損我萬金書信

摸魚子

塵梅

甚天風輕珠吹墮勾成萼綠華影綺窗曉旭剛飛馬刻  
畫冰魂明淨疎又整渾訝是葭灰吹現江南信羅浮僊  
隱算小劫今番輒紅網裏留取雪鴻印 紗籠好如許  
煙鬟霧鬢難禁玉笛聲繁凌波羅襪何曾污點作去壽  
陽妝靚端詳定眞暗裏生香屑屑零璣粉輕盈已甚把  
拂塵簾犀一齊回避免賦落梅引

滿江紅

長安九日

袞袞西風又報道一年重九無處問茱萸開未有誰送  
酒縱道明年身更健那堪今日花同瘳問塞邊尙有雁  
奴歸寄愁否 笳吹斷淒魚漏霜氣疑寒鴛鴦這未逢  
佳節已堪銷受何必登臺凝望眼南雲一樣難招手且

薑芽點配蠟熬肥休憊憊

二郎神

長安秋思

湘簾蕭瑟渾不似年時情事記  
礮枕蒲梨玉篝煨栗笑  
語曲屏花底蘭夜厭厭調箏好道難得已涼天氣甚蠻  
月叫寒雁霜衝曉管他顛顛  
容易換來今日淒涼滋味恨襟暈酒微靶痕香歇越  
是悶沈沈地風語羸綱月  
沈蚪箭歇自胡床料理疑想處也合舊闌干畔有人愁  
倚

賀新涼

水仙

忽現萋葱峭是當季麻姑降後重逢長爪不許塵生淩  
波步漫把甄妃寫照祇一點檀心嬌小翠珮珊珊擎玉  
立學宮裝的的熏冰腦風雪裏駐顏少  
生來不向萋風笑笑梅兄冷澹心情也偷嫁了多謝西湖乾淨上香  
火年年祠廟算一盞寒泉薦好喜見銀臺排雲出理瑤  
琴謹出迎神操前身月倘脩到

永遇樂

荏平弔馬周

不遇中郎斯人忠孝道死而已周處鄉人淮陰惡少成



就英雄耳至今下馬魯連村畔歷歷釣遊堪記問生時  
寫肩火色五都識者曾幾因嘆昔者漢廷絳灌埋沒  
長沙何意何況卑卑沒儀下邑齷齪風塵吏如卿他日  
但除頭白終不負他知己新豐市而今還有酒徒否矣

鳳凰臺上憶吹蕭

東阿道中望魚山是成公智瓊嫁魏將竝超處  
霧閣瑤宮塵埋玉坐海東一樣雲迢記得珊珊夢影香  
擁鸞輶無意蓬山判謫人間世福便難消算除却同時  
羅襪別有蘅皋逍遙那回去也悵洛陽千里何處聞  
簫渾未信風塵奔走也到仙曹歸否天風銖袂巖扉畔

松桂如潮銷凝地梵聲又破清寥

浪淘沙

陰平道中有憶

殘月冷於煙悽絕霜天斷腸滋味最今季索夢撥詩都  
不是泥煞衾函別語憶當筵心逐雲邊如今雲斷路  
三千可也玉蔥私招記明日江南

潛不卜筮子

又是夕陽邊目斷煙中樹樹外寒山山外雲雲外鴻飛  
處回首幾長亭數了還重數今日星辰昨夜霜切莫  
明朝雨

菩薩蠻

鈿箏擁髻秋燈驛蠟煙低繚  
曹睂碧衆裏最盈盈十三  
絃語輕 妾如泥著雨郎似風吹絮  
絮著蒼泥相逢都不離

三千前調

子城東去兒家是門前一樹桐  
華紫聽取綠鸚哥喚真  
郎到麼 檀槽金邏沙隔著衫兒坐  
招冷玉纖痕時時教與溫

前調

歌殘細訴雲萍蹟等閒珠淚輕承  
睫一語急支開酒寒

金縷柘 露帷前夜夢不恨霜華重  
只恨晷嗛雅如今眠早些

前調

曲瓊風悄鸞屏暮同心穗卷春紅  
苜斗帳絡櫻桃銀球香半焦  
鈿頭初卸了領褪訶梨小何處密  
兜鞵賺郎收玉釵

前調

醉紅印枕嬌無那一枝晴雪  
梨花安還恁怯生疎嫌他  
鐙未枯 翠蛾低欲結  
軟語支蘭息那有睡工夫  
霎時驚鷓鴣

前調

輕紅幔曉，波瑩麝黃，商略丁香印出色。傲吳儂、低鬢金粟蟲。綠雲初縮，就添了銀蟬袖。休僂放、梳篦照儂人並肩。

前調

翠毫尖撇了枝，小玉窗畫出同心藁。但願別離休長和，花並頭。心心心上語，還祝連絲雨。笑指玉虹，明明朝行未成。

前調

玉驄依舊門前樹，綠棖不似前時語。三疊渭城歌酒多。

還淚多。昨宵香裊絮，今夜風和露。風露向郎邊，妾儂香燼眠。

前調

贈郎紫鳳香羅，窈窕情不比羅紋薄。一縷一相思，此中千萬絲。從今彈淚顆，休惜銀衫浣。有日把重看，衫痕誰最殷。

前調

別來寂寂青鸞羽，問渠真個成輕負。贏得薄情名，減郎愁幾停。那知秋雨外，寬盡東陽帶。各自見朦朧，病中和夢中。

前調

江南人夢高樓北樓中卻夢江南陌依舊誤相逢錦衾  
珠汗紅 覺來寒惻惻滿地銀黃月揀着莫思量怎他  
空斷腸

前調

較量骰子安紅豆也應無此相思透萬一罷今生此情  
殘月憑 鳳月兒如解語聽唱愁邊句碧海與青天一般  
人可憐

掃花游

始誓與同人約爲雲門蹋花之游濟勝未操蹇

雨連逕閉門若夢忽忽百五眷言芳事慨然無  
多不知靈巖冶舊尙及攜劉家小蠻一醉薦紅  
樹底否也拈此爲在約諸子簡同越縵謹

春寒瓊夢早看過墻陰玉梅花檣曉鶻漸老甚東風依  
舊溼雲不埽嫩約蒼苔多半殘紅飛了夢邊藁還訴與  
畫闌商略斜照 閒恨春共渺鎮病榻茶煙闌珊懷抱  
煙光過鳥卻年年留得晉時芳草爛醉山亭也稱王家  
風調晚雲杪看西南斷虹多少

水調歌頭

題周叔雲太史

譽芬

東漚草堂詞集

今夜玉如意醉折不知愁何年  
緱氏龍種飛下小東鷗  
不管梅花狂死吹得長星都綠  
天捲海西流何不拓金  
戟邀我舞涼州  
紫蛻譜青雀舫白鷗裘十年一抹歡  
電借拍玉搔頭閒了蓬池風露來賭蓮花博士八百鏡  
湖秋愁殺兩鯨背夜夜弄珠遊

卜算子

春雨閉葳蕤密密連愁鎖不爲渠儂更爲誰  
花裏懨懨臥  
飛絮促年光不管淒涼我明歲東風屬甚人  
忍復蹉跎過

點絳脣

吹盡瞽寒翠簾旌外東風悄海棠開了可惜無人到  
薄暝和煙畫出閒愁藁心期杳懨懨昏曉人逐流鶯老

高陽臺

奉別章子實司馬華避兵去越

津樹煙淒江蘋雨黯夕陽斷送浮槎烽火連春此行難  
定天涯陽關自古傷心曲况相兼病裏年華恨無情帆  
影空江轉眼西斜  
要知今後消魂樣似前宵猛雨碎  
打梨花怕過重樓淒涼短榻紋紗臨歧多少平生語悔  
當時只透些些更堪愁者樣關山夢落誰家

清平樂

題畫

一篷軟碧蕩得空煙溼載上春愁剛幾日人比柳絲無力  
東風小袖泥金紅墻凭損春陰要把心情細說岸  
邊沒箇流鶯

壺中天

自題水邨寓樓用黃叔暘自題花菴叶

牽船且住有層青軟翠相望衡宇樓上松風樓下水隔  
水苔花當戶蘿幃呼猿竹弓射鴨不管閒今古餽糧須  
辦菊花白石同煑聞道金水河頭瑤花祠畔戰骨高  
於鳴詞客墓田誇絕好賸與刑天夜舞自斷今生此間  
差樂漚鷺推盟主後人憑弔寒潭黃葉深處

賣花聲

珠幙一重重燕尾燈紅地衣蹋上淺深中略辨銀泥衫  
子色此外朦朧隨月轉廊東替數弓弓鎮無絲語遞  
因風去是匆匆來脈脈也算相逢

鷓鴣天

薄暑新收卻月廊蕙花風底藕絲裳醉紅淺刻愁眉暈  
溼翠徐兜晚鬢香偷擲眼黯迴腸人前風語特矜莊  
心期暗卜蓮房子數徧團樂却是雙

采桑子

玉簫吹過紅橋去十里春灘風趁蒲颿颿上蒼絲綠滿  
衫一煙斜抱城南水水到門前門在花邊可惜重門  
不捲簾

齊天樂

和友人紀夢

分明霧閣迢迢影相逢桂堂東畔依舊年時窄衫低髻  
卸了玉釵風軟曲瑤低卷把水樣秋光麝熏噴暖最惜  
伶僇鞵羅尙有露痕宵笑誰今夜拘管只一簾微月  
花影篔簹滿同指銀河盈盈一水量比此情應淺銷魂怎  
遣頓梧葉回廊露蛩嗁斷小簾單衾相思從此亂

虞美人

棗花幰子桐花瓷蝶也和人瘦早秋兀自懶安排要到  
菊花時節怎生捱心情漸覺難勝酒醒過鴉嗁後一  
般悽絕獸眠時生怕蕭郎冷暖没人知

臨江仙

多少心情無一可玉籤又打黃昏隔幰花影閉重門短  
楸和淚寫孤被賴香温一枕西風支病骨夜長獸自  
温存前宵疎雨道難聞如何今夜月一樣也銷魂

清平樂

玉鶯衾瘳薄醉相厮守剗地桐廊疎雨驟忽憶畫樓寒

否 五更翠匿香銷可堪心比香焦索性不須睡也流  
鶯曉上花梢

蝶戀花

隄上書所見

一樹細桃花似雪花裏瑤簫花外黃金勒禁架東風寒  
不得柳絲罥定紅橋側 幺影疎疎衫影窄燕子歸來  
飛到晶簾隔斜日催人真也忒晚波借去春衫色

滿庭芳

蕭山丁韻琴司馬

文蔚

大碧山館圖

湘月通簾秦雲貯檻柳深深處江亭鷗波僊史新署碧

山人不辦萼湖新翠是煙花影還是眉痕但噤噤花叢  
那角香語脆於鶯 亭亭肩比玉茜羅寫韻梳珮吹芬  
儘陽春和汝子夜憐卿見說玉山筵上也還許出拜雲  
英須何日綠梅香底著我醉調笙 韻琴所嬖兩姬秦雲  
江柳秦雲字佩芬尤

江詩畫

浪淘沙

申江感遇

甚處好行吟阿壁空曠縱今飢骨尙嶙峋能識新豐沽  
酒者爾是何人 百指話艱辛淚竭無聲蟲沙溝壑政  
難分何苦先時賒賊口累死如今



賀新涼

夜泊黃浦寫望

月黑潛蚪舞剛夜半長飆挾浪動搖天柱一霎江平潮  
已落收拾靈胥餘怒但倒插蒼蒼元武天塹海門通鎖  
鑰莽浮漚盛得鴻濛住星點外只煙霧阿童今夜知  
何許看千里蒙矐羽檝揚靈極浦最是當年珠履盛照  
映五山千古算有酒須澆斯土人物古今淘不盡定有  
人擊楫宵呼渡吾正共蒯緱語

滿江紅

美人抹胸追和珊士叔雲諸君之作

珍重萋寒好長護玉窩溫處看一角平裁羅帕秘熏蘭  
炷一抹靈犀偎軟玉雙訶么鳳鉤纖味最銷魂浴後試  
單衫依稀露繫贈佩藏緘素情密密紉如許記中央  
四角有人曾賦香麝暗勻絲半搦雪臍軟約金雙縷問  
郎情似此貼心無羞低訴

高陽臺

潘椒坡助教

介繁

曩遊西湖靈隱寺有詞却寄

今始寫付依元叶訓之

梵磬雲藏乳泓雪漫宵吟呼起龍眠練帶薇壺詩愁醉  
送湖天千年翠鷺山中老對斜簪低睨觥船卻誰憐絲

鬢年華斷送花前 裏湖山似閒愁疊要吟 衰題徧萬  
箇筠箋茶夢年時烹雲石亦曾鞭苔蹤悵比巖泉冷算  
空勞鶴語尋煙况頻年桂子荷花慘倚烽邊

賣花聲

梅花仕女便面爲沈寄帆 昉 參軍

花外月如煙花底湘簾一堆疎碧鎖清寒可是纔交三  
九過雪後春前 凭損退紅衫倭髻微偏憐花人恐惹  
花憐惆悵不知雙翠羽夢斷誰邊

滿江紅

酬姚江沈梅史孝廉 文煒

橫槩江東看髣髴吾家獅子誰說道腐儒身手未能成  
事射殺羅平妖鳥者當時傍舍錢生耳况過江君子六  
千人同時起 髮尙共荆卿指身不忘要離誓望此行  
早雪會稽之恥砥地哀歌何抑塞前身疑爾真青兕更  
當筵一曲白浮鳩君行矣

買陂塘

滬上贈人

碧悄悄畫樓十二菱花一片秋曉不知人影還花影花  
卻修成雙笑簾卷了纔兩字閒愁淺把眉頭掃楊枝一  
擲看立近雕闌銀鸚架底一色雪衣縞 飄零怨舊是

平陽嬌小而今那忍重道茫茫風絮輪中劫我更比卿  
潦倒隨分好君不見西風滿地紅心草青蛾易老須莫  
誤尊前水般年紀月樣好風調

前調

買調汪曙民

乃昌

用前贈人叶

定何年玉箱鏤枕遊僊夢鎖春暄畫鸞不管人腸斷只  
倚錦屏欲笑拚醉了柰痛引金卮總苦愁難掃生花管  
搦料賦就閒情玉梅香底錯認袂痕縞西陵約盼斷  
同心蘇小誰人此恨能道桃花潭水情無竭我爲汪倫  
絕倒歸也好須識道天涯何處無芳草瘴鄉秋老算我  
忒無聊聽風聽水拋卻紫霓調

醉江月

滬上讀潘辛芝舍人

觀保

鵲泉山館司卽題其

飛來浩唱把海天秋夢宕成空濶喚起靈均湘水底來  
對蘭成愁絕目斷煙花空濛不見但見傷心碧桃花牋  
上春愁都化鶴血休怨日暮江關西風雁背萬里吹  
華髮豎子英雄皆偶耳他日寒蟬能說只苦琵琶一般  
淪落未免青衫濕有誰同見黃君浦口之月

滿庭芳

滬瀆中秋對月誦東坡水調歌頭跌宕不能去

口別賦此解以寄遙集然予憂則更深矣

萬古金天鎔成此夜盛來雪色鴻濛桂花如掌吹落海  
山東我欲醉橫鐵笛長鯨背彈壓西風徐俯看方壺鏡  
小徹夜走魚龍 霓裳聽厭了不須重問換羽移宮倘  
嫦娥今肯爲我從容只乞采雲片片飛來也擲地成虹  
人間世一齊編入八萬四千中

水調歌頭

將爲粵行潘玉泉丈以其詞集見貽倚此奉謝

卽題卷中

滄海日東逝滿地忽商音何來天上珠玉一唾萬花醒  
可笑江山千古輸與紅簫尺八不付劫灰沈淚落羽衣  
謾天寶舊人聽 今古事兩蝸角一楸枰不如作蓮花  
底能从美人心好去攜公此曲倚向蓬壺遙夜管取怒  
龍暗三萬玉斐下爲我按瑤笙

邁陂塘

顧上之秀才

榮達

見予贈人詞亦賦此調贈予

粵遊次韻荅之時上之方眷此姝也

恍重逢玉山裙展阿瑛今正年少我如方朔談諧慣但  
喜媮窺朱鳥拚一笑道玉映清心作婦誰家好鏡邊語

卷三  
三  
悄料替畫愁蛾行隨繡蝶一步一飛繞  
相逢乍忽唱  
綿綿遠道陽關最是淒調閒來聽曲愁來醉幸我別無  
懷抱飄掛了儘海色西風蓬髮吹將老離腸漫攪好珍  
重么鸞瑤天露迴雙倚畫屏嘯

高陽臺

將由海道赴嶺南倚此留別同上之涼夜坐雨  
韻  
翠阜凌霜銀槎犯斗吾行倏忽雲迢苦竹嘒毳不消說  
是無聊怎能摘得眉梢翠蘸些兒滴向回潮便相隨月  
白天空柁閣吹簫纔逢忽別真無謂竟堂堂斷送水

樣涼宵一寸秋心從今卷碎紅蕉不知鏡閣梳完了可  
銷疑天際歸橈請行休木葉西風滿目離騷

金縷曲

奉題研秋丈寄雲詞草  
斗大蠻城裏問堪共清談馬稍眼中有幾忽訝驪龍飛  
入掌令我難雄睥睨頓敲折珊瑚如意滿引葡萄歌一  
闋恍扶搖送向青天倚聽廣樂洞庭起十年落魄干  
戈際卻贏得清商滿卷長留天地無限江山供跌宕悽  
若斷猿秋唳又怒蹴霜髮千里安得蠻孃能解曲撥銅  
箏坐唱桺榔底枝上鶻盡驚徙

前調

題研秋醉香詞鈔卷端

清裂麤賓鐵似斜日扁舟江上數聲長笛合是欠壺高  
 一丈冷貯嶸山春雪纔足稱當時濯筆頓覺金荃猶俗  
 豔况豪辛膩柳曾何屑毬露錦好珍襲 鷄壇蚤歲知  
 無敵頻占斬敬亭雲樹秣陵煙月何意奚囊三寸許也  
 歷人天小劫更安論五關蕭瑟今日霓裳驚宛在只羽  
 陵僊蠹勞重剔相對撫古銅狄

陳從壽

為人溫然粹然好學不倦尤擅詞賦彬彬乎文苑之選  
 也乃以庶常改官刑部遂習法家言嘗手錄讞牘細書  
 巨册盈尺許明慎折獄克盡厥職余權刑部時生為屬  
 官余甚嘉生有幹濟才矣歲在辛酉越州生有母  
 陳友聞其卒也感零涕慨息以為天之厄斯人如是酷  
 也生疾革時屬家事及遺稿於其友賈主政樹誠周給  
 評星譽賴友朋力俾遺孤奉老母以歸今年春賈君及

前調

題研秋醉香詞鈔卷端

兩裂蕤寶鐵似斜日扁舟江上數聲長笛合是欠壺高

精於讀書

歷人天小劫更安論五關蕭瑟今日霓裳驚宛在只羽  
陵僂靈勞重別相對撫古銅狄

山陰陳生壽祺字珊士余丙辰分校禮闈所取士也生  
為人溫然粹然好學不倦尤擅詞賦彬彬乎文苑之選  
也乃以庶常改官刑部遂習法家言嘗手錄讞牘細書  
巨册盈尺許明慎折獄克盡厥職余權刑部時生為屬  
官余甚嘉生有幹濟才矣歲在辛酉賊陷越州生有母  
家居聞報驚絕急乞假歸百計奉母以來京師居五年  
既補官且列上考當得典郡遭疾遽隕不獲中壽故交  
僚友聞其卒也咸零涕慨息以為天之厄斯人如是酷  
也生疾革時屬家事及遺稿於其友賈主政樹誠周給  
諫星譽賴友朋力俾遺孤奉老母以歸今年春賈君及

查君丙章出遺稿屬余為彙之余既悲生之遇猶幸其  
文字僅有存者略書生行誼出處具右若工拙然否當  
世知者自有定論無俟贅焉同治己巳春吳縣潘祖蔭

纂喜堂詩稿

山陰陳壽祺珊士

庚戌

元旦微雨午後放晴渡揚子江喜賦

蒲颿葉葉共雲裁鐵甕城頭晚霽催山帶斜陽淘浪去  
人先明月渡江來魚龍縹緲春聲雜天地空濛倦眼開  
第一東風莫輕負水窗料理隔年杯

京邸寒食枕上口占

幾日客窗無好句匆匆人意負春情牀頭燈影夢初醒  
簾外鳥聲天放晴獨夜羈愁多棖觸故園節物正清明



朝來借問門前柳綠到江南第幾程

定武客館送陳晝卿同年錦下第南歸

楊柳蕭蕭動客愁天涯送汝又殘秋西風作意催離棹  
落日無言下酒樓一第功名飛箭目半年鄉夢大刀頭  
獸憐予亦同羈寂心折歸雲萬里舟

唧唧

唧唧足足秋蟲齧明明滅滅秋燈昏風來藥院飛花影  
月過階階添雨痕缺鏘吹火茗已冷睡鴨撥灰香尚溫  
商聲滿耳不可聽手卷離騷深閉門

閨思戲和詹且讀作周韻

釧約釵盟半未真子馬聲裡又殘春竹枝偏解儂心意  
叠叠重重寫個人

十月朔日得家書秋大水淹及先世殯室米碩  
值逾半萬錢老母幼子月無數炊鐙下泣誦拉  
雜寫樂府若干章以識哀慟

兒居母腹三日不育忽聞呱呱聲母幾死兒始生一解  
兒生報祖父祖父大歡喜阿爺買香買肉焚告天地二解  
兒小多病長夜不寢朔風獵獵襁褓寒抱在懷中肉

一團三解兒生四歲母氏見背祖命為大宗後素衣拜  
慈母四解慈母何慈保之抱之抱之保之他人勿知五

解 兒弗睡抱兒起母足穿兒乃眠母手枕兒母肩凍兒

未轉身母不動 六解 狔狼九首飛上天河刀霍霍劍峨

峨城震震兮悲聲多祖父曰嗟寇深奈何 七解 哀哀我

祖目花耳聾兩鬢如雪驚孫勤斯甚鬻子撫我鞠我數

斗血 八解 壬寅五月十五我祖客死祖年六十有九兒

年十四 九解 今日還故鄉明日阿爺又喪黃泉百日兩

喪摧斷心腸 十解 麻衣載濯從先生學膏火何有出之

母兩手 十一解 慮兒瘦買肉補夜來商買機中布兒嫌

肉不肥阿母今日一粥猶未炊 十二解 東家借米西家

借酒欲兒成人為兒娶婦 十三解 我婦來我弟死傷哉

弟死小宗誰嗣熒熒孤兒一身承兩祀 十四解 春日載

熙采芹泮池人言早我言遲不嫌采芹遲黃泉冥冥那得

知 十五解 香草薰薰兒又生孫生孫喜生孫愁生孫又

重親心憂 十六解 阿姊織黃妹織素伴兒讀書堪夜作

妹始歸姊又嫁宛宛孤女泣數行下父兮母兮新壻來

拜香火地下可知者 十七解 徵車在門招我以旌上堂

告遠行阿母烏邑不能成聲執手泫泫欲行復停 十八

解 居貧貧身遠離離親阿母無兒早晚眠食誰當心 十

九解 野屋悽悽祖兮父兮神魂所依水高入屋四樞側

萬里孤兒心惻惻 二十解 死者長已矣生者如何年荒

歲稜矮門風雪饑寒多 二十一解 白雲葩葩下有兒家

兒家何有夢中見阿母 二十二解 庭有反哺鳥啾啾向

我前我生不如鳥對之心慘然 二十三解 願蜚厥聲揚

親之名移孝作忠以慰親心錦衣歸省春酒斟南山之

年壽吾親 二十四解

書寄陳晝卿書尾

欲歸還小住枯酒許重斟信宿分離後相思直到今大

江流遠夢小雅託哀音記否中山夜繩牀聽雨心

辛亥

詹且讀 作周 招飲席間話故鄉風景勞益農 乃逸

不勝莊鳥越吟之感作短歌解之

紅燭搖搖春酒香欲飲不飲愁故鄉勸君今日且歡喜

杯中卽是家鄉水

正月十日借周子珊石遊眾春園登熙然臺小憩

春至已十日柴門病未開素心得吾子攜手共登臺身

賤輸長策時平任廢材斜陽無限意都向眼中來

閒適

蕭齋閒閉無人到茶臼香鑪次第安睡起開簾翰春雨

野花紅上碧闌干

綠牡丹

翠幔茸茸護曉煙  
燕支洗盡更新鮮  
本來春色歸青帝  
合有名花配綠天  
濃露承恩揮翰日  
東風及第染衣年  
碧城縹緲神僊宅  
十二樓臺更可憐  
玉佩金盤寵異頻  
綠衣換得拜恩新  
雕欄翡翠疑無色  
淺水燕支總隔塵  
聞道神仙居碧落  
由來富貴屬青春  
移根金谷如相傍  
第一花枝稱美人

王子

春日安肅道中

堤上濛濛吹白沙  
鞭絲影裡夕陽斜  
飛花十里官栽柳  
孤磬一聲僧賣茶  
隔塢小風傳鳥語  
到門流水識人家  
百錢沽酒不成醉  
茆店疏燈聽琵琶

方順橋

驅車方順橋  
勞勞酌村酒  
歲暮百草零  
荒寒入高柳  
有妓來我前  
舉動頗不醜  
自言博平女  
父爲弓弩手  
猶記海氛惡  
負羽三江口  
一去不復歸  
未識存與否  
有弟纔六歲  
飢寒死道右  
非無舊親串  
德色吝箕帚  
性命且不存  
名節復何有  
十二入倡家  
今年已十九  
回頭指小妹  
幼聘爲弟婦  
前年歲大荒  
黍稷爲根莠  
縣官急索租  
賣女償箕斗  
妹幼不善歌  
鞭扑痛膚受  
昨夜大悲號  
血痕猶在肘  
女言淒未終  
阿母促之走  
言有吏到門  
耿耿坐

相守沿例索年規揆括到鷄狗室無隔宿糧迫切竟何  
取得錢逕歸家易酒爲吏壽

新婚別

庭柯無獨枝棲鳥有良匹人生天地間對面忽成別昨  
日爲君嬾一言羞未接今日君遠行送君不能泣君行  
烽火中生死難預必妾幼不識途望君空戚戚但祝君  
平安無憂妾存歿存爲古井水歿化山頭石山水有相  
逢助君南擊賊

喜得家書口占長句

又是山城半載過客中是處寄吟窩人如明月圓時少  
友似東風散處多一第艱難負燈火十年貧賤託詩歌  
家書乍報高堂健今日春暉喜若何

漫興

剝啄從無客到門深深幽草長春痕文場屢誤新花樣  
書味仍咀舊菜根燈下敲碁花落子雨餘掃石竹生孫  
人間卽此堪高隱何必桃源別有村

書上周氏姊

聖蘭

箋後

阿姊家居最憐我暫時分手亦酸心扁舟吹過大江水  
天末獨聽哀鴈音誤嫁已擦腸百斷別來贏得信千金  
無多骨肉須珍重愁思年來各自深

病中吟

憂患攻一心勞苦蕞百咎每聞作客難往往無老壽自  
我來定州依人事餬口悠悠六百日臥病常八九搯方  
罄盧鵲乞藥寶萸枸鬼伯赦腐儒轉輾死不朽熱如火  
焚身冷若水置肘日重夜更劇氣逆時作歐脾虛瀉泄  
多捧腹下牀走屋旋地欲轉身前足反後時當秋氣嚴  
寒聲栗窗牖尖風入病骨血脈若刀刮眼花鏡不明瞻  
怯月更黝宿草嘍妖狐枯星駭兇狗變怪爭眯矇陰森  
溢鳴吼驚疑生各無魂夢幻諸有仿佛到家鄉歡喜拜  
老母似憐羸病軀摩撫不絕手語兒今何如問兒昔安

否母言悽未終回頭見我婦蕉萃猶昔年酸心到藿白  
嗷嗷兩兒子牽衣弄姿首無端忽驚覺枯鐙臥相守可  
憐疾苦身猶是髮膚受昊天不可思何心自躡蹀人生  
老鄉里此意古所厚何時掉頭歸長歌揖鄰叟芬芬南  
山筍灑灑東浦酒農事亦可欣良苗歲常取上有甘與  
旨下有草與糗養拙終餘年力田不吾負

癸丑

元日喜晴策馬定武東郊口占長句

軟軟香泥款款程東風暖入馬蹄輕自憐獨客頻年夢  
難得新春一日晴烟外帘痕明野店柳邊鐙影畫山城

阮囊賸有新詩句  
排日清遊趁太平

野步偶興

足迹不到處  
野花高過人  
年年二三月  
紅白自成春

留別賡元甫

賜

避若天涯締古歡  
茗枰書卷共盤桓  
黃華秋圃交情澹  
紅豆春風別夢闌  
令子如君傳業易  
老親似我久遊難  
明朝咫尺人千里  
雙鯉殷勤且勸餐

春晚新霽即事

排日商量酒一杯  
殘春隨意入詩裁  
斷雲將雨溪邊去  
斜日銜山竹裏來  
欲墮蛛絲綠草上  
習飛燕子帶花回

小窗久慣垂簾坐  
爲愛新晴特地開

六月二十日辭春暉

奎

招飲席間出扇索詩成二

十韻贈之

春暉古奇士  
幽居松林邨  
綠杉夾野屋  
讀書深閉門  
我時年十六  
請業經畬軒  
君亦執摯來  
同術誼倍敦  
前年遊京國  
別君聲暗吞  
舊雨而今雨  
黯黯銷唵魂  
所交在肺腑  
筆札何能宣  
迢迢隔千里  
落落無一言  
今年夏五月  
瑁璫歸故園  
招我遊梅山  
載訪詩人孫  
風伯狂不戢  
舟如孤鳥騫  
咫尺不可到  
江水流潺湲  
翌日天氣清  
買舟乘朝暾  
縱談不知久  
白日忽已昏  
翦以西牕燭  
飲之

東閣尊感君意氣厚醉飽何足論出箠屬題句雪泥留  
鴻痕吳紈畫渭南趙絲繡平原走筆成此詩持贈慙瓊  
璠奉揚非所譽聊以誌弗諼

雨後野步

晚烟吹不起山月淡平疇樹影碧於洗灑然生遠秋溼  
雲扶斷壁瘦石闖寒流借問田居樂江郎擬得不

山行

一逕入雲去冷然忘俗情好山迎面起幽響拂衣生苔  
跡自今古松聲變雨晴歸途還小立谿外看春畊

長夏卽景

長夏園林無個事宵來清興幾人同蕉衫乍翦紋猶翠  
藤枕新成色未紅科斗煖宣荷葉雨狸奴涼趁豆花風  
消閒攜得新詩本定有清唸入夢中

新秋小病偶得長句卽寄陳午亭同年京邸

孤館宵涼月上遲一鐙如豆剔殘脂琴心瘳漏先秋碎  
病骨支離怕影知貧慣轉無餘酒券愁多翻得賞花詩  
東方騎上青雲客可有魚緘慰所思

入秋酷暑七月十四日晚風月甚清遂有涼意徙

倚池邊得七律一章

讀到南華第幾章一泓秋水碧纖長肩擔花影不知重



身抱月華微有涼  
琴意商量白翎雀  
詩心料理紫荷囊  
閒庭別有關情處  
蝴蝶花開底樣香

冬莫借沈珥臧秀才遊葑圃遂登式亭選茗

名園絕塵籟登眺拓松關  
人意淡何許白雲空自還  
梅花瘳春影詩句落寒山  
覓路且歸去夕陽如此殷

小鳳行

東家小鳳年十七  
鬢惺忪向郎立  
婢非婢妾非妾  
謂兒有郎郎不見  
接謂兒無郎  
日侍郎側柔木娣娣風所折  
小女宛宛人所嫉  
移兒白玉牀  
傾兒黃金箱  
破涕爲笑迎  
新娘新人醉未起  
舊人於邑摧心腸  
喉口所指無疾而死  
叩頭別主人  
執手潸潸不能成聲  
不怨大婦不怨小婦  
兒至黃泉侍父母  
乞得媿媿爲郎後

甲寅

山齋

聽我吟山齋  
山齋白雲曲  
楊柳到門深  
林檎暎欄熟  
開窗紫射干  
夾礮黃石竹  
墻藤勢崛拗  
逕蘚香厖碌  
簾額生晚紅  
琴心上秋綠  
茶鐺近水安  
酒甕傍花漉  
佳興或與同  
高瞑不妨獨  
泠泠泉出山  
欣欣鳥投木  
萬物如有營  
吾生究何屬  
神仙紫瓊府  
富貴青金錄  
飛昇美鷄犬  
炫赫訝童僕  
生死幻有無  
福禍互倚伏  
變態出千百  
誰能

折其獄憶昔長安遊歡讌共徵逐駝街扶醉過鶴市抱  
香宿歌臺翡翠茵舞帳鴛鴦襍屏山倒金盞鏡檻轉銀  
燭勝會來不常芳韶去難續依人百事賤下第一身辱  
囊空鼠欲驕衣緇狗爭吠飄零感身世離亂念邦族春  
夢脫塵鞮秋風理歸軸是時兵氣囂軍書日飛告袞袞  
若爲謀炎炎不可撲薊北頻斷魂江南徒極目形勝變  
主客憂患中心腹得地賊益驕走險兵更蹙流亾鳥雀  
散繫累牛馬牯牯讎遍老穉難半殤殞腐骨生荒苔  
飢驅飽飛鏃民命亦可憐造物竟何酷我從賊壘過匹  
馬空躑躅跼跼水中鳶娟娟桑下蠋月黑無人行天荒

聞鬼哭浩劫悲沙蟲餘生貸虺蝮去城一千里驚魂猶  
殷鯨歸家拜老母開軒面芳麓山妻汲井華稚子摘園  
菽書翻蟬粉新簾卷燕泥馥行行語瓜豆依依問松菊  
種魚量昔租養鶴料今祿泉石尋古歡芰荷試初服山  
中人事寂天上流光速更著事詩酒兩度秀壺奠似聞  
淮徐間狂寇尙魚肉我朝二百年深仁浹華俗 列聖  
承丕基萬類同一育 今皇嗣大寶美政不勝錄蠲租  
憫困窮赦罪念刑戮兢兢勵宵旰翼翼勗臣牧民生豈  
無良何心負疇覆 叶氣機尙可轉郅治不難復浮雲淨  
寰海丹霞麗朝旭元黃實筐篚刀劍化牛犢衆志堅比

金 皇猷美如玉懷柔訖遐徼歡嬉到比屋山齋春晝  
長優游百事足閒閒爛鈍身藹藹昇平福載歌舊日詩  
一飽新田穀

春暮意行近郊偶賦

春深邨落柳絲風瘳策寬鞵一笑中田水倒涵山影綠  
野花亂插竹籬紅貓頭笋賤連泥賣雀舌茶新帶雨烘  
借得雲門供小隱年來興趣幾人同

美人背立圖

人面春風省識難桃花深處背朱闌待儂補畫紅芙蓉  
寄語人從鏡裏看

新秋雨後意趣甚佳偶得長句

三點兩點疎雨鳴一葉半葉梧桐聲太空忽洗溽暑淨  
詩筆不覺秋意生茶烹小鼎火愈活夢來清簟涼有情  
會當攜舟藕花去碧筒沽酒香自傾

記夢

倒吸天乳玻璃杯頽然一醉真豪哉青芙蓉帶月玉妃笑  
白雪墮水梅花開手控赤鯉踏銀海身騎紫鳳來金臺  
鑪香縹緲羣仙下金旗翠葆胡裴裒

大寒後一日偕孫子九

垓

周素人

灑孫

叔雲

星譽

昆季雪甌

光祖

王平子

星誠

旬生

星翰

昆季寄雲

上人同宿傳鐙寺限昌黎山石均

千峰偃仄光景微凍雲奪路低不飛夕陽忽斷見古寺  
陰陽開闢山身肥新朝盛事未寂寞入門松梵言依稀  
竹厨飯熟共一飽攜句笑醜梅花飢須臾纖月桂花角  
寒星三兩明林扉夜深忽覺詩意遠妙語直欲窮煙霏  
此時玄情了無著茶香漠漠散四圍一燈掃榻共僧臥  
薄寒擬借菩薩衣空欄葉落睡猿醒今夜有夢無塵鞮  
天明攜友踏澗去泉水在山人自歸  
飯後由傳鐙寺步歸平水村限大字  
飯罷出招提遊興頗不惰小童導我前梅花一肩馱山

色如人幽天然絕雕作白雲不自貴亂插竹千个愛石  
踏寒澗苾屨亦不流枯藤絡危壁飛鳥不能過科頭踞  
其巔欲下意轉懦歸途詫奇景不避北風大

劉張二孺人雙節吟

婦節一已奇造物竟兩之守貞全吾爲榮辱非所知士  
林高議持齷齪同行屍載吟雙節詩何必須眉兒

乙卯

客有詢平水春事之勝者長句答之

筍莊魚漚儘堪誇二月東風滿若耶過雨湖光明薺麥  
轉谿山影在桃花游蹤小榼鶯兒酒春事閒門燕子茶

詩尾朝來添小印頭銜新署釣人家

曉起權舟由雙溪至平水沿堤落花甚多有鴛鴦

飛鳴水上戲賦一絕

濛濛春霧繞衣香黯黯殘紅蘸水涼羨煞雙溪江畔樹  
落花猶自覆鴛鴦

春晚山館病起口占

翦翦春寒生熱紋鵲爐煙盡氣猶熏落花委地厚三尺  
敗絮蒙頭重十斤賸藥碎和蟬粉裏亂書香帶燕泥分  
病中得句無人解負手閒堦看夕曛

揚州女兒曲

揚州女兒花樣嬌櫻桃風細吹碧簫偷隨阿母學梳裏  
閒捉飛花過柳橋小門風月春無幾了髻玲瓏作人婢  
一舸春波墮淚中十年人意添香裡燕子東風翠被寒  
相思老大阿誰憐紅綃舊恨團團月碧玉新愁懊惱天  
丁香容易同心結歡喜燈花照顏色料得長情扇共圓  
誰知花放春猶勒花勒春寒意未灰半年消息費疑猜  
郎情已卜黃金合妾夢還虛玉鏡臺無端爭說新人美  
此際誰憐舊人淚寂寞空閨臥玉顏流鶯無語花憔悴  
憔悴朝來亦自羞殘紅默默怕登樓昨日玉郎簾底坐  
桃花香裏看梳頭今朝昨日時無幾樓上何人紅袖倚

倚樓不是舊時人攪碎新愁春雨裏舊人當日亦新人  
叩叩香囊漬淚痕薄命已揀同落絮癡情猶願化朝雲  
朝雲暮雨春江碧流盡迴潮痕未滅相思無語掃燕支  
一點鴛鴦可憐血

春晚卽景用中表李越縵太常慈銘均

睡起靜無事茶香分外清雨餘飛燕重風定落花輕草  
木有新意軒窗愛晚晴欣欣無可說相對一忘情

明妃出塞圖

錦帳明璫出漢關白雲回首失陰山他年居次重歸漢  
可有魂隨愛女還

論印圖爲沈寄凡助題

君豈藉印傳遊戲聊摩楮久而神與俱六書直餘餒冥  
心撝萬象造化不轉曠青赤岫嶠碑攝以鐵一寸吾趙  
不可作印學今亦僅解人渺何處欲論無甯認荒唐倉  
史魂破碎秦坑燼餘唾一撫拾未足嚇腐臆所恃區區  
心嘿與君相印

冬仲十日夜坐青芙庵時將計偕北上言愁欲愁

感賦七古一章

獵獵北風窗紙破冷月潑階寒色大蛟龍百吼不耐眠  
一尺長檠擁書坐昔年曾作長安遊風沙莽莽雲山愁

眼看阿母不敢哭淚痕濺透青羊裘今年又望長安走  
鐵鹿聲乾月如斗手向牽牛借聘錢三百青銅纏腰後  
兒在阿母饑且寒兒去阿母誰相看昔日淚痕今未乾  
念此寸寸摧心肝吁嗟乎著書種菜計亦好丈夫何必  
求一官

丙辰

任邱旅店題壁與周雪甌

光祖

黃白香

體立

同作

垂柳垂楊盡向西玉鞭景色未淒迷東風試暖調鶯舌  
春日微長數馬蹏煙帶夕陽栖淺草夢吹新雨過長隄  
上林花事知多少爲待行人未放齊

峒晤道中

寂寂峒晤路風懷孰與論日斜得鞭影水淺顯蹄痕遠  
樹碧過嶺晚烟黃到村停車有良晤一笑對清尊

情詩

胭脂花瘳曉妝慵黛合纔開又手封知道郎行山色裡  
朝來不敢畫眉峰

二月二十七夜與周叔芸

星譽

卽事聯句時全寓

都門元通觀

勞勞四日初卸遊子裘叔塵市苦酬應卜宅鄰空王  
素心得吾子襍被來對牀叔閉門戢清影貴賤良所

忘珊誰令兩恨人寘此冠蓋場叔進退不自權踟躕同

羝羊珊旅食亦大難日聽米價昂軍書急星火叔千里

來倉皇似聞蕭碣間羣盜方鴟張珊又聞奔牛陷直扼

南北吭叔消息日千變恍惚難具詳珊大江多烽烟故

鄉不可望叔心逐南飛雲迢迢赴高堂珊

客窗雨過新綠如灑偶憶鑑湖舊游悵然賦此

故鄉三月春東風亦未懶花事隨去多遠近孰能揀樓

臺借天巧巖壑絕人刻每當新雨過打槩趁花轉濃淡

爭一宜頰仰生百哂鬆雲脫樹來欲渡半還散晴山上

水氣藹藹共春軟游習趣轉忘境鬲意忽遠相思如柳

絲新綠鏡湖滿

丁巳

秋日過白狐嶺

白狐嶺下秋水長白狐嶺上秋風涼午飯人家蕎麥熟

疏林籬落棗花香幾蕪蘆葦碧新雨一路鷓鴣紅夕陽

今夜征鞍宿何處前村暝色帶牛羊

平望道中

眼底秋光分外閒人家多半住江干蛤魚吹雨圍孤棹

翠鳥銜花上釣竿小市恰隨流水曲白雲時當遠山看

宵來珍重楓江夢篷背西風繡被寒



無題

樓空燕燕人何處  
字盡鶉鶉墨尚香  
縱使心腸能化鐵  
來生燒劍作鴛鴦

戊午

春莫海上病起卽事

重簾猶是峭寒時  
怯怯春衫冷自支  
客裡光陰雙燕老  
病中况味一燈知  
香愁細雨依人久  
花戀東風到地遲  
三月不堪荒舊習  
朝來擬作餞春詩

春晚旅邸病中作

苔逕深深客到稀  
榻來十日掩松扉  
愁邊心事添詩卷

病裏春寒上酒衣  
無法消除偏稱睡  
有人憐惜轉難歸  
沈郎帶眼今餘幾  
怕向燈前認舊圍

秋日過鴛鴦湖感興

漠漠相思逐水流  
十年六度此湖游  
鴛鴦別後猶無恙  
鴻鴈重來又早秋  
斜日藕花煙外遠  
西風楊柳水邊樓  
月明今夜須先睡  
一枕新涼夢秀州

舟泊八坼誌感

孤兒自小常依祖  
一慟憑棺劇可憐  
風雨關河誰饋藥  
亂離母子此停舩  
不堪飄泊一千里  
回想音容十六年  
今夜重來湖上宿  
夢魂應不隔重泉

夜泊吳門卽景喜賦

三年未嬾橫塘夢記取姑蘇柳外臺遠寺幾人攜妓去  
片帆盡日看山來西風七月涼偏早寒水半湖花正開  
知是虎邱簫市散紅橋鐙影酒船迴

張竹鄰梅邀游虎阜卽送之維揚

岷岷西風送暮潮嫩涼時節一魂銷橫塘秋水頭番夢  
小扇春鐙別樣嬌七里酒香吹畫舫一枝花影妥紅簫  
歌筵向曉行人去殘月疎楊第四橋

飲王氏樓感賦

眼底閒情欲賦難斷腸重認舊屏山春風老去鶯都嫁

秋燕歸時客未還入夜閒愁依翠燭當年別淚贖紅蘭  
二分無賴花頭月曾泥春人此倚欄

汪玉森同年朝榮招遊虎邱酒酣唱雨絲風片曲

同人以洞簫和之覺湖上秋光盡在酒人衿上矣

瑤笈金樽載酒過山塘秋色近如何嫩涼渡水作微雨  
寒響媚風生薄羅畫舫鐙隨新月上鬲湖花比美人多  
錦屏漫道韶光賤珍重汪倫一曲歌

嘉定道中寄懷吳小符同年棊葵

側側西風吹酒卮天涯又過菊花時新愁似水隨潮長  
短夢驚寒到枕遲九月霜華侵客髻一燈秋影訂殘詩

朝來借問崐山令定有新吟慰我思

舟泊申江卽事感賦

江聲直接海聲流財賦東南重此州  
賈舶西風爭渡急夷花暮雨使人愁  
秋潮又泊龍華塢春影重尋燕子樓  
無限蕭蕭家國感揀將沈醉換封侯

己未

曉發魚溝

側側春寒酒乍醒鞭絲扶夢指殘星  
霜邊人語隨燈遠澗外鐘聲帶水聽  
林窄天光明馬背雪消山色上鴉翎  
泥人猶有江南思十里垂楊踠地青

順河集同楊禮南同年

秉璋作

客裏風情強自憐月華如水水如烟  
擁衾未慣霜邊夢小隊鈴聲欲曉天

半城道中

看盡山光到半城疎林茅屋水邊明  
煙雲滿眼無人會畫稿評量信馬行  
夕陽流水小橋西嫩柳經寒綠未齊  
燕子不來芳草歇瘳鞍馱夢過春隄

羊流道中和禮南均

輕陰十里過羊流細馬茸衫護客愁  
一抹晚烟收不起

夕陽黃煞柳梢頭

冬至日口占

索米金門未碍貧殘年風雪寄吟身梅開故國頻添夢  
春到他鄉倍近人多病尙餘詩酒健愛閒時得性情真  
朝來省識東風意一縷茶烟綠乍勻

暮冬旅夜詩以自勵

碌碌竟何補百年亦有涯北風吹歲暮老屋發梅花努  
力看光景躑躅副物華乾坤正多事未敢說思家

孫蓮浹同年

廷璋

自五河軍中以詩寄叔雲并及

鄙人因倒次其韵復之

東風昨夜回酒盃腰鼓百面轟春雷

借蘇句

寒威并力戰

林角冷香亂突梅花圍花前一醉復何有花底寒星吹  
北斗眼中英傑來者誰僕射兒曹不如酒接羅倒戴將  
毋然治平有策須時賢書生慙無尺寸補閉門自作夔  
蛇憐嚴武軍中杜陵客放眼山川異今昔大江南北無  
行人熱淚滿腔向誰說長風萬里吹天雲旁求慶榜  
無十旬薊門老柳別無恙與君同醉春江瀕春江二月  
曉風厲落拓塵衿向花洗騎馬歸來亦復佳沽酒何須  
外天地

旅館夜坐得五古一章呈東鷗越縵子恂諸子

閉門寡所營夜靜百慮空方庭眷初月虛簷墮微松歎  
坐生古歡趣得境忽洞鑑灰養閒意銚聲學幽諷窗鐙  
炙疏影餅花暖餘凍春氣搖薄煙寒香不成夢

庚申

閏春六日同祥符周叔雲遂安黃卣香會稽李蕓

客慈銘陽湖呂庭芷耀斗侯官楊子恂仲愉豫庭

叔懌昆季會稽杜五樓鳳治集慈仁寺看花以雜

花生樹羣鶯亂啼分韻得生字

閉門戢清夢三月遺春情東風展佳日花事漸可營薄  
遊蕢罇酒趁此微雨晴城西二三里漠漠春陰明新綠

不可色澹與疏烟并

古寺浮薄嵐苔逕曲且繁花氣遠無住春山不能扁孤  
亭納眾影千香涵一清諸天散虛靄仿佛垂珠纓元情  
豈何取落英時有聲

江南四百寺到處宜春鶯賊退未兼夕有酒無人傾誰  
令故鄉客同向天涯聽香欄宿新雨茶幔搖疏星客愁  
如春風浩蕩無定程

白雲嬾不收山氣忽已暝天風墮孤磬萬種相怱惺微  
陽幻深絢薄霧交空青夜色互遷變花光與之迎哦詩  
頓成悟初月爲我生

冬夜寓齋與客譚舊時事感賦長句

打窗風雪又殘年，絮被蒙頭亦可憐。  
金鴨餘香非昨夢，玉驄墮恨拾誰邊。  
天涯行樂爭年少，日暮離愁中獨眠。  
彈指人間成底事，不須重語也凄然。

冬夜宿周氏齋與東鷗越縵同作限宿字

竭來長安中遊覽，半徵逐及此歲暮間。  
圍壘共竹屋高，懷無俗情清話轉幽。  
獨夜趣溢疏鐙，茶香散寒菊庭柯。  
墮窗影霜禽凍未宿。

東鷗除夕守歲用樊榭乙丑除夕登吳山飲酒樓  
韻屬予與尚香和之

樺燭重慳覩不譁，機心無復問盃蛇。  
茶香孤館初宜夜，夢入新年半憶家。  
隔院春聲催爆竹，明朝清課續梅華。  
輸他驄馬趨朝客，宮柳風高聽曉鴉。

辛酉

仲春八日被酒坐青芙室偶憶錢唐舊游感賦四

絕

衣香斜日嫩晴時，燕子東風柳萬絲。  
橋轉游舫都不見，簫聲依約水仙祠。  
小榭初鷺三里程，太平時節好嬉春。  
一湖煖翠東風溼，半照桃花半酒人。

鳳山門外酒船停纔罷歌筵月正明一晌水風涼不定  
紅羅扇底看潮生

細馬行吟烏帽斜祠山生日在天涯不教容易成辜負  
自典春衫買杏花

武林沈某以杏花燕子便面屬題時閱杭州警報

感書一絕

荒城寂寂閉春星亂後麈燕任意青料得渡江雙燕子  
與花相對說飄零

爲某孝廉題橫唐紀游圖

別後橫唐歸路賒畫圖重展玉雅又蛤蜊淺水明菰葉

蝴蝶小風涼藕花半艇茶香秋士夢隔湖帘影酒人家  
笑儂好景都辜負賸向天涯感鬢華

春晚意行花下棖觸舊遊適菡客用潘星齋少司

空小瀕波館集中曉遊天王寺及坐慈仁寺見山

閣均賦山居詩見示依均有作

縛茹謝塵事清夢結幽麓凌晨入山去烟翠返初旭石  
古春濛濛苔氣潤於沐沙篔明疎花風崖閉蕙竹林陰  
交薄嵐人鳥影一綠黃緣出谿脣天光墮空淥山心隨  
處深白雲不能束歸來晝掩門松屑香可粟  
頻年別家山幽夢杳難跡東風吹薄寒遠思共煙積羈

辰易爲悲當春轉蕭械客愁如江水深淺不可尺庭角  
香冥冥輕陰一簾隔花光忽中斷斜陽爲之劃琴絃滯  
餘潤茶香碎寒碧感此成獨吟歸禽帶雲夕

春晚薄遊慈仁寺用潘星齋少空慈仁寺晚眺韻  
精藍拓游塵咫尺判清濁孤幢表初旭遠意與之卓筍  
鞵踏幽徑苔堯春剝剝新綠忽以明輕煙爲我濯山情  
眷空翠欲贈不可握鐘聲淡無依沿風墮冥邈跣石暝  
忘歸松花積巾角

越日復偕叔雲蕪客至慈仁寺坐見山閣次壁間  
壽陽相國師均

諸天無人香火寂佛欄春樹青團團依花轉石得高閣  
筍鞋響踏榆莢乾卷簾山影忽在背涼翠瀉鏡生微瀾  
沙鬢白水煮新茗依稀松梵迴風湍十年落拓厭世味  
巖英飽乞僧厨餐叔雲乞藤花數  
枝製餅相餉寺門日落且歸去鐘  
聲一徑沿輕寒

鷗堂雨過同叔子縵老看月有作  
一雨洗衆囂閒意動林麓萬種來蕭蕭暝色入幽矚欄  
雲漬餘潤庭花試新沐空池寫疏篁月氣隔煙綠情厭  
語轉寂境往趣忽續虛衿絜予賞俯仰隨所觸相攜素  
心人抱琴薦春淥



書李菀客越縵堂集後卽用集中疊王孟調 星誠

江橋步月韻

至理本無隱元化抱其嘿詞章亦小道性分不可色求  
深意轉晦學絕詣愈惜讀詩重三歎百年見今夕飄搖  
二三子吾道良可識寥寥生死交殷憂繪君魄孤悰赴  
各悟千趣瑩一得短歌發慷慨靈機不自寂悲愉無定  
聲意到境忽別此中有真宰存者特其迹吾心如亂髮  
愁來詎能櫛長貧百事戾涯生眾憂納羶鷄重撫卷對  
之欲無說感此生道心日出天地白

坐雨寄叔子一首並懷越縵次昌黎答孟郊韻

天公喜離別顛倒生百巧病鷹縮毛羽饒眼不能飽懷  
人意已苦臥雨愁更攪金鷄睡不醒日出頓忘卯燈闇  
無續油心焦自煎鬻到午聲未停泥滑屐難拘微悟聊  
自頤竒癢倩誰爪會當朝日晴得句共君敲

春暮感興疊前書越縵堂集後韻

落花如幽人當春自孤嘿薄寒散飛絮東風不能色推  
遷亦云常遲暮若爲惜閒窗拓孤眺頽陽暖將夕榮枯  
非一端名理生百識元化無盡藏言者特糟魄嘉晨不  
我私賞心亮難得羣動趨憧憧誰爲叩其寂當前或不  
取時過卽成別曳雲無定姿幽草有新迹微唵憬獨悟

癢處自爬櫛靈機散天地深淺視所納興來欲無始趣  
到忽忘說詩成明月高虛庭對之白

感事

許國無長技憂時有老親難生百感出處重孤身吾  
道貧中寄人情亂後真鑑湖如許乞心事付垂綸

春雨浹旬小病謝客晨起偶興用越縵攝痾蘿菴

次孟調姚江病歸韻

白雲無世情出山亦復嬾冥鴻戲天際清風不能罕世  
人浪說求神仙多事昇天挈鷄犬荒齋十日臥春雨因  
病得閒用吾短藍子花落瓶水渾牀頭搖夢燈影昏江

南江北遍烽火角聲吹雨天魂魂腐儒高臥得今日殺  
賊未能聚百疾青裳玉女遺素書欲往從之苦無術虛  
窗無人唵楚辭卜居誰爲問釣師下濙田荒不歸去儻  
以落魄窮吾詩竭來長安餓不死吾道難難託於此凌  
晨睡起不著冠獨向間階看流水

四月陰雨苦寒用昌黎辛卯年雪韻

元化分厥官時過各有歸屏翳何不廉水氣張天圍羲  
和尸爾位金鷄故不飛陰霾正逞虐誰爲舉其旗千峰  
一噤瘁合沓披雲衣翠袖薄可憐愁煞湘江斐腐儒無  
尺布擬借織女機七襄自燦爛欲請心還非薰兮豈終

違解慍倘庶幾憂苦生幸心違暇議其微

浦江張烈嬾黃氏

琴徽

殉節詩

爲氏伯黃玉卿作

我昔乘舟凌斗躔海門白浪春碧天東來蜿蜒忽過峽  
尾波抱郭開人煙江聲幽咽走灘急水石激搏含貞艱  
此中往往有奇節浣衣老嫗能爲言髮媿墮地志忠孝  
砥礪甯必非山川長安城頭遇黃九一紙示我心悽然  
曰弟有女幼異衆么桐彈角無懦茲三月張家作新婦  
白鸞銜絰啼窗前倒心迴腸不得死游魂宛轉還生旋  
咸豐己未斗插卯月廿六日三更間是夜星黑天無月  
鬼風吹火燈譁誕手紉袞衣作生斂問之不答惟涕漣

斷腸一慟百脈絕筋骨解散如兜縣乃知節義不轉眼  
區區性命非所難今年之江寇氛惡天狗夜墮啼聲酸  
女兒什百爭一死青燐繞屋飛作團乾坤正氣自不做  
血性所至無愚賢殉夫殉國各無負要以所遇行吾安  
古來人心不能死苟有令德無弗傳况今 天子重名  
教煌煌 聖語褒幽泉誰歟手持風化權行當爲君言

九乾

故鄉寇警後數月不得家書旅夜一鐙百感聚沓

用昌黎示兒韻一首

骨肉寄語言所得亦區區誰令高烽火并無盈尺書日

我別阿母涕淚嘗沾裾流離值患難念我還何如崔崔  
臥龍山下有先人廬小園亦云好菘芥香可蔬蔭以百  
竿竹得笋肥且麤欣欣顧妻子以爲阿母娛今年粵寇  
逼墟市無酒徒明知殺戮慘猶望傳聞虛嗟我事薄宦  
覓粟慙侏儒家無五尺童急切誰相於知否避亂後還  
似離家初不知母眠食違敢知其餘我身無羽翼從何  
問起居消息日千變安危不可虞皎皎故鄉月明明照  
征夫故鄉亦不遠奈何限戶樞低頭看燈火艷艷花始  
敷似聞朝飛鵲噪我庭前株夜夢頻見之白日忽已疏  
搖搖懸旌心愁來詎能祛憂思入冀幸倘恍難爲俱長

安無尺水何處覘鯉魚飄飄東南風倘肯借吹噓

夜坐對月再疊前書越縵堂集後韵示同社諸子  
雨過衆生醒煙定百鷺嘿携琴出前除開簾攝寒色慚  
予役世好此意幾能惜竭來珍薄閒虛堂對春夕偶此  
林下步微證靜中識暝花繪景光一月弄千魄妙機若  
有會斯理眼前得清思及天迥名心到宵寂情厭欲無  
且趣洽轉忘別洽洽絲外音松風澹無迹十年墮塵網  
煩憂比如櫛行當閉門居萬象一枕納載吟獨夜詩持  
向同心說疏鐘花底來栖鴉帶星白

冬日放衙歸途口占

夕陽十里鳳城隈瘦馬茸裘畫諾回自笑冷官成底事  
鑑湖典卻換將來

題朝鮮詩人鄭謙齋山水立幅

巾袷風流最可思花岩栗島徧題詩太平親見中朝盛  
海外煙霞老畫師

一縑流轉尚丹青串岬遷頭蹟幾經家在山陰歸未得

翻思東國換鶯亭

朝鮮慶尚道山陰縣客館有換鶯亭見朝鮮志

春暮同人遊崇效寺看花分得山字

撰杖東風興未闌尋幽重與叩禪關吹來柳色都成水  
行近桃花不見山勝地尚餘今日醉好春能得幾人間

暮鐘聲裡遊驂散一徑斜陽共客還

壬戌

餞春感賦乞叔雲蓴客和之

九十日春辜負盡不堪風雨對孤吟青衫黯淡留殘酒  
白髮蕭疏上短簪夢裏鶯花羈土淚眼前眠食老親心  
天涯兄弟還相慰鄉思朝來各自深  
星不四月初二日附夷舶浮海南旋問道尋親感賦長

萬葉句

對此茫茫百感侵滄桑今古幾浮湛吾曹竟可工蠻語  
故國誰能寄好音萬里悲歌平賊淚一官飄泊養親心

行囊携得焦餘飯忍餓相看思不禁

海中望雷公島

萬象沈齋淪到此忽顛湧劈開渾茫空濛入孤聳墮  
星不到地白雲適爲捧仙人躡紅鼉背壓海嵐重遊鷗  
摩絳霄風霆落餘鼉蛟身及波縮蠍頸拗天腫轟濤折  
龍髻攫浪汨虎踵離奇按萬靈變怪起百恐危崖勒霧  
斷碎昨吸煙穴穿符絕人斧突兀破天拳碧色一零亂  
滄溟忽倒擁風雨爭晦明陰陽溢騰踊雷電不在天遙  
峯角餘勇

滬上遇故鄉子某語及山居之樂感賦長句

生長湖山不礙貧綠雲佳處著吟身桃花春社新亭長  
燕子閒門舊主人魚債偶償塗白堊飯香初熟煮黃陳  
卽今事事成追憶極目烽烟一愴神

夢遊平水山看桃花

故鄉不可到夢我白雲中芳蘚若相待幽人誰與同山  
光隨鳥轉花氣接天空彷彿斜陽外沿流繫短篷

六月十九日迎老母挈妻子輩自紹興至海上悲

喜交來龍鍾橫集洗解上壽得詩四章

快着衣冠拜老親亂離相見各聲吞眼前握手還疑夢  
別後驚心不忍論十口可憐全性命百年能幾負晨昏

天涯猶有今宵酒淚點春暉共一罇  
干戈相望路漫漫姑婦持家百慮殫  
有飢寒酬事畜苦將心力保摧殘  
清門世業飄零易浩劫餘生繼述難  
歷歷兒時遊釣地河山舉目一汎瀾  
蒼黃兵火照荒原野屋還停未葬棺  
積善兒孫獨飄泊無依魂魄倚平安  
泉臺回首應相憶虜髮驚心忍自看  
一慟窮途遺像失影堂何處拜衣冠  
送我河梁返壻門卅年姊妹竟中分  
此離骨肉今餘幾寂寞烽烟不可聞  
五夜相思接魂夢九原追慟念恩勤  
憐予孤露無兄弟極目歸鴻泣斷雲

迴憶

迴憶銀屏無限嬌濃香盡日護鸞綃  
青谿孤舫初三月翠被春寒第一宵  
小睡未成和酒醒相思纒著已魂銷  
淚痕不倩東風覺偷逐桃花過謝橋

無題

碧玉初逢未嫁時天涯重與勸金卮  
多情一握香羅扇猶寫檀奴夢裡詩  
阿鵲歌成更可憐春衫灼灼向人前  
枕邊花氣釵邊月小著相思已五年

蔣劍人

敦復

以所作竹枝見示有妾來原不爲郎

來句卽用其韻得二絕

郎住湖東金作屋妾住湖西玉作臺湖東湖西一條水  
水中月出望郎來

送郎郎去幾時迴青蛙閣閣作

去聲

黃梅黃梅天氣夜

多雨郎好消停一月來

海上初夏同人遊城南一粟菴卽景

領略閒中味春來第一遭泉聲依梵靜香意出花高塔  
背題新句墻頭過濁醪經堂詩許納對佛快揮毫

八月初八日奉母率妻子航海北還

萬里風濤記獨行今朝襍被又長征江南麋鹿飄零淚

海外魚龍戰伐聲性命苟全矜厚福治安無策愧科名

養堂幸遂孤臣志勉報春暉答 聖明

拜萬珠湖同年

培曾

遺像以八十字哭之

知我十年久辭君萬里行重來成鬲世一慟負平生定  
有神魂感應憐手足情無言對遺影涕淚各縱橫  
相約爲兄弟依依誓百年艱難資死別離亂感生全此  
意堪千古何人有二天歲寒心一寸持以報重泉

珠湖死百日矣予具杯酒祭於殯宮撫棺一慟再

以四十字紀之

共有千秋想音容忍我違君親辜素抱風雨拜靈幃海



外身初返天涯骨未歸生平知己淚一再爲君揮

冬曉入內廷口占

聽漏不成寐疏星拂曙袍愁多頭易白官賤酒能豪夜  
氣鬪霜曉詩心共月高寥寥十年事慚愧說揮毫

見有赴消寒會者感賦一絕

紅箋綠酒一時忙到處消寒鬥綠觴貧薄詩家無長物  
自拈新句紀春光

冬夜燈下課阿鼇阿嘉讀書感興

長安風色布袍寒又見初梅小雪天冷暑茶香消薄宦  
貧門燈火惜殘年閒裁舊判供詩草偶定新花計俸錢

珍重眼前無限意亂離骨肉倍相憐

冬夜獨坐感賦

弱冠性不羈跌蕩脫天檢長貧寡所營干矢矜一慊無  
端嬰世好利欲中以漸冷如魚上竹熱若蛾赴繅求奢  
償每約境捷步愈險方寸如瑾瑜愁病日雕刻空山有  
隱者蓬門晝常掩習靜逃人嘲居窮謝鬼諂粲然招我  
遊臨風啟青嶼荷衣翠欲折松屑香可黠萬物自有餘  
造化不能儉一笑還吾初勿使白雲貶

冬至日家祭誌慟

野屋停棺四十年今年烽火有誰看絕憐六品孤兒俸

難買荒山半畝田  
羌幸亂離全骨肉  
可能墟里託平安  
一盃冷酒朝衫典  
贖向天涯薦紙錢

曉起偶興

夢裡遠香清  
撲鼻推門侵曉看  
梅開綠苔一抹  
幽人迹  
如此天寒若個來

聽瑞兒燈下讀書喜賦

聽尔窗前讀宵深  
字字清飄零  
念先澤寒餓共餘生  
薄德無他望窮途  
慰此聲汝兄都未睡  
辛苦副燈檠

聞珠湖夫人遺腹得男詩以誌喜

父死不見俟兒生  
亦可憐悲涼念先友  
歡喜到重泉積

善惟天鑑遺經有  
汝傳德門期此寶  
早秀卜他年

雪夜感賦

三十四年花甲子  
病中細數儘無聊  
頭風入夜常餘痛  
鬢雪經春總未消  
知己無多半凋謝  
傲廬何處任飄搖  
今年一事差相慰  
試着萊衣過歲朝

冬夜月下偶成

暝行可十步過此心  
卽恐豈伊目力窮  
餘明不爲用開窗  
見新月萬象入虛  
洞庭柯生薄暉簷  
花炙餘凍夜趣不  
可名濛濛溢天空  
流光使人歡消息  
若余共生意赴  
眼前清思結幽夢

立春日口占春帖子詞

養堂新日甲珍重到天涯身賤能無病官貧尙有家老  
妻分糗葉稚子索糕花藹藹杯盤色春暉入歲華  
老母請得四品封晉恭人詩以誌喜  
藹藹春暉近上林翟衣新換拜 綸音微官每爲親年  
喜 渥澤真隨子意深錦軸琳琅三殿字寒機燈火十  
年心明時媿乏涓埃報一紙鸞封值萬金  
先大夫得贈四品封先王父母暨本生父母叔父  
均得貤贈四五品封喜以誌感

綵服孤兒淚金花 聖主書飄零悲舊澤教誨念生初

兩世恩勤重千秋侍奉虛光榮數行字聊以慰幽閭

上潘伯寅光勳師

不分瓊瑤盈手贈開緘涕淚欲霑襟天涯有母同高餓  
歲暮無人念苦吟四海倉黃爲客慣十年貧賤受知深  
感恩不敢師門說風雪天寒一寸心

除夕口占

矮燭簾櫳欲曉天一盃濁酒過殘年家貧習苦無多累  
官小能閒轉自然麤婢買經還佛債嬌兒押歲索燈錢  
北堂最喜慈親健兩字宜春寫綵箋

廣颺喜爲齊梁之文嘗以所業呈座主平景孫師珊士  
陳君見而賞之以儀鄭卷施相擬竊謂東施效顰偏被  
矜寵易牙知味能辨淄澠榜檠可資飢渴彌軫乃敬禮  
之文未蒙鑒定惠施之夢遽隔幽明懷哉斯人吁可惜  
矣比者少司農師哀輯遺藁將付梓人廣颺感知已之  
不作幸斯文之可傳用綴小言以志昔抱同治辛未四  
月吳縣許廣颺謹跋

